# Dayng ha manga AQEEDAH SIN SHI'AH

Siyulat hi Abdullah b. Muhammad As-Salafi

> Biyassa iban piyamugsu' hi Shiekh Abdul Aziz b. Abdullah b. Baz (kiyaulungan siya sin Allah Ta'ala)

Nagsalin pa Sinug Tumpukan sin manga kamuridan

# Dayng ha manga **AQEEDAH SIN SHI'AH**

Siyulat hi:

Abdullah b. Muhammad As-Salafi

Nagsalin pa Sinug:

Tumpukan sin manga kamuridan

	Luun sin Kitab	Gikapan
1.	Panukbali hi Shiekh bin Baz	5
2.	Pamuka laung.	6
3.	Ka'nu limahil in tumpukan Al-Rafidah	8
4.	Mayta' ngiyanan in Shi'ah, Al-Rafidah	10
5.	Nabahagi' nagpila in manga tumpukan sin Rafidah	11
6.	Unu in Aqeedah Al-Bada'a	12
7.	Unu in Aqeedah sin Shi'ah tungud ha manga Sipat	14
8.	Unu in I'tigad sin Rafidah ha Qur'an Al-Karim	17
9.	Unu in Aqeedah sin Rafidah ha manga Sahabat	21
10.	Unu namayan in manga piyagsibuan ha antara' sin Yahudi	
	iban Rafidah?	24
11.	Unu in Aqeedah sin Rafidah ha tungud sin Kaimaman?	27
	Unu in Aqeedah Ar-Raj'ah amuin piyaparatsaya sin Rafidah?	33
	Unu in Aqeedah At-Tuqyah ha pamaratsaya sin Rafidah?	36
14.	Unu in Aqeedah ha Lupa' amuin piyaparatsaya sin Rafidah?	38
15.	Unu in Aqeedah sin Rafidah ha Ahlus Sunnah?	40
	Unu in Ageedah sin Rafidah ha tungud sin Mut'ah?	43
17.	Unu in Aqeedah sin Rafidah ha Al-Najf iban ha Karbala'?	48
18.	Unu in tibayhuan piyagsulangan ha antara' sin Shi'ah Rafidah	
	iban sin Ahlus Sunnah?	52
19.	Unu in Aqeedah sin Rafidah ha tungud sin adlaw Ashura'?	54
	Unu in Aqeedah sin Rafidah ha tungud sin pagsapa	55
	Unu in hukuman sin pagpasibu' ha antara' sin Ahlus Sunnah	
	iban sin Rafidah?	58
22.	Unu in himumungan sin manga kaimaman Salaf iban Khalaf	ha
	tungud sin Rafidah?	59
23.	Suratul Wilaya amuin huna'-huna' sin Shi'ah inig ha Qur'an	66
	Sulat tungud kan Fatima ha huna'-huna' sin Shi'ah	70
	Duwa'a ha duwa Barhala' sin Quraish	73
	Katammatan	76
	Manga Kitab piyagkawaan sin pangadjian	78
	Important Website in Internet	79

### Panukbali hi Shiekh Abdul Aziz b. Abdullah b. Baz (kiyaulungan siya sin Allah (ﷺ)

General Director of the Administration of Religious Research and Issuance of Religious Verdicts and Head of Council of Grand Scholars in the Kingdom of Saudi Arabia.

Tagnaan ku ha ngan sin Allah (ﷺ) bayng ulungun, bayng kasihun.

Dayng kan **Abdul Aziz b. Abdullah b. Baz** pa hadarat sin hambuuk taymanghud mulliya. . . . . tiyunjukan siya sin Allahu Ta'ala.

Assalamu alaykum warahmatullah wa barakatuhu.

Sambagun ku in sulat mu kaku' sin 10/2/1418H. Ha tungud sin kitab mu pasal "Shi'ah". Sabunnal tuud nabassa namu' iban kiyakitaan namu' in kitab ini landu' marayaw iban kagugunahan, matup na hipasaplag ha hula' Saudi iban ha khaleej (Gulf) ha tiranan amuin napikil mu. Suhurun ku pa Allahu Ta'ala bang mayan magmumpaat ha makabassa kaniya iban papagbarakatun sin Allah (ﷺ) in pagmatuyu' niyu...

Mahuli; Magbalik kaniyu in kasajahitraan sin Allah (ﷺ) iban rahmat niya iban barakat niya...

General Director of the Administration of Religious Research and Issuance of Religious Verdicts and Head of Council of Grand Scholars in the Kingdom of Saudi Arabia.



### Pamuka Laung

In sanglit iban pudji tuput pa Allahu Ta'ala, rahmat iban sajahitra' ha Rasulullah (ﷺ), iban pa manga ahli niya mabutna pa manga sahabat niya. Mahuli

In nangdahi kaku' ha pagbaktul sin kitab-kitab ini amuna in kiyakitaan ku in pagmatuyu' manaabbiti sin manga Rafidah (Shi'ah) pa Madzhab nila ha huling masa ini ha katan liyukupan A'lam, iban sin landu' tuud makapiligru in tumpukan ini ha Agama Islam, iban sin majatu ra in kapiligruhan sin tumpukan ini sabab sin kaligapan sin kamatauran bangsa Muslimin. In aqeedah sin tumpukan ini awn tuud kasirikan (pagsakutu) pa Allah (ﷺ) iban pang-gura' gura' ha Qur'an Mahamulliya iban ha manga sahabat sin Rasul (ੴ) - kiyaridaan sila sin Allahu Ta'ala katan- iban sin nakalandu' tuud in pamudji iban panglaggu-i nila ha kaimaman nila .

Nah! miyaksud ku siyulat in kitab-kitab ini iban jiyawaban in manga parakala' amuin piyagduruwa-ruwahan (ha tungud sin tumpukan ini) ha tiranan hawpu' hawpu' karna' imupi ha limpa' sin guru namu' hi Sheikh Abdullah Ibn Abdurahman Al Jibrin (Piyarihala' siya sin Allah) ha kitab niya (At-Ta'leegat 'ala matni Lum-'atil i'tiqaad). Iban in kitab-kitab ini siyalin ku dayng ha manga kakitab-kitaban sin Rafidah (Shi'ah) amuin tanyag kanila, iban dayng ha kakitab-kitaban sin Ahlus Sunnah dayng namayan ha kaimaman nakauna (Salaf) iban sin kaimaman simunud kanila (Khalaf) amuin manga timulahad jimawab kanila iban nagpatarrang sin kangian sin Aqeedah nila amuin timindug ha pagsirik iban kalabbaw (extreme, excessive) iban pagputing, pagpamungmung, panukna', panglaka'-laka', panggura' gura' iban panuhuma.

Sabunnal tuud piyagmuhutan ku ha kitab-kitab ini hidusdus sila sin manga kalapal-lapalan nakalukis ha kakitab-kitaban nila amuin piyangangamdusan nila (authentic kanila), biya' na sin kiyapamung hi Sheikh Ibrahim Ibn Sulaiman Al-Jab-han- (kiyaulungan siya sin Allah):

### "Dayng ha sabab sin simud mu (bissara mu) hidusdus ta kaw, O kaw Shi'ah".

Hakahinapusan, suhurun ku pa Allahu Ta'ala Mahasutsi Mahatinggi in papagmumpaatun Niya in kitab-kitab ini ha manga tau bar-akkal biya' sin parman sin Allahu Ta'ala:

"Sabunnal tuud in paminsana' namu' ha manga ummat nakauna hambuuk ini patumtum iban pahati ha manga sila bar-akkal amuin nakahati sin kasabunnalan atawa dimungug sin panghindu' iban in siya bati' batian in pangatayan". (Surah Qaaf: 37)

Hitukbal ku in pagsarangsukur pa katan timabang kaku' ha pagbaktul iban pagpaguwa' sin kitab-kitab ini, iban pangayuun ku pa Allahu Ta'ala bang mayan tungbasan Niya pa marayaw in manga hinang nila,- tuput Allahu Ta'ala in labi makahati -. Salawat iban kasalamatan ha panghu' natu' jungjungan Rasulullah (ﷺ) iban ha manga ahli niya iban ha manga sahabat niya.

#### Siyulat hi:

Abdullah b. Muhammad As-Salafi



### متى ظهرت فرقة الرافضة؟

### Ka'nu limahil in tumpukan Al-Rafidah (Shi'ah)?

Timagna' naawn in tumpukan Al-Rafidah (Shi'ah) ha waktu gimuwa' in hambuuk usug yahudi (Jew) pag-nganan hi *Abdullah Ibn Saba'*. nagpalahil in siya hambuuk Muslim, iban nagpasakaula-ula in siya makasi malasa ha ahlul bayt (kaluwarga' sin Nabi Muhammad (ﷺ), iban nakalandu' in pagdihil niya martabbat kan Ali (kiyaridaan siya sin Allah), ampa siya namayta' sin awn kunu' wasiyat sin Rasulullah (ﷺ) sin in paghalipa (pagkapala/pagnakura') subay kan Ali (ﷺ), pagsakali ampa niya iyangkat hi Ali (ﷺ) pa darajat pagkatuhan. Na! bihaini tuud in pamayta' sin kakitab-kitaban sin manga Shi'ah.

Naghimumungan hi Al-Qum'mi ha kitab niya "Al-maqaalat wal-Firaq" itiyantu niya in pagkatau hi Abdullah Ibn Saba' iban biylang niya amuin panagnaan namayta' sin pagnakura' subay kan baginda Ali (﴿) iban sin pagbalik niya mabuhi' mari pa Dunya, ampa niya piyalahil in panggura'-gura' kan Abubakar, Umar, Uthman iban na sin kaibanan sahabat (﴿). Biya' daisab hayan in bayta' hi Nobakhti ha kitab niya "Firaq Ash-Shi'ah" iban damikkiyan bihayan daisab in bayta' hi Al-kish'shi ha kitab niya "Rijal al-kish'shi" Iban bayta' sin hambuuk Alim sin Shi'ah ha masa bihaun hi Muhammad Ali Al-Muallim ha kitab niya "Abdullah bin Saba' Al-Haqeeqa Al-Majhoola" in pamunakun (sin manga kaguruhan ini) hambuuk na dalil dakula'.

In manga nagkasabbut ini katan maitung dayng ha manga kaguruhan dakula' sin madzhab Rafidah (Shi'ah).

<sup>&</sup>lt;sup>1</sup> - Al-maqaalat wal-Firaq pg. 10-21

<sup>&</sup>lt;sup>2</sup> - Firaq Ash-Shi'ah pg. 19-20

<sup>&</sup>lt;sup>3</sup> - kitaa bang unu in bayta' hi Al-kish'shi ha manga riwayat pasal hi Ibnu Saba' iban sin Aqeeda niya ha umbul 170, 171, 172, 173, 174 dayng ha pg. 106-108

<sup>&</sup>lt;sup>4</sup> - in kitab ini sambung ha kitab amuin biyaktul sin hambuuk Shi'ah pag-nganan hi Murtada Al-'Askari amuin piyanghimuting niya in kasabunnalan sin pagkatau hi Abdullah bin Saba'.

Laung hi Al-Baghdadi: In tumpukan "As-Saba'iyya" manga miyamagad ha papanaw hi Abdullah bin Saba' amuin nagpalabi sin darajat hi baginda Ali (﴿) iban nagbayta' sin kaawnan hi baginda Ali (﴿) in siya Nabi, mahuli ampa niya na isab piyalabi in darajat hi Ali (﴿) sampay namayta' siya in hi baginda Ali kunu' amuna in Tuhan Allah.

Namung pa hi Al-Baghdadi: Nah! in kaawnan hi ibnu As-Soda' [Ibnu Saba'] in kariasali niya yahudi (Jew) dayng ha kawman *Al-Heera*, piyalahil niya in pagka Muslim ha angut niya hasupaya siya dihilan sin tau "Al-kufa" pag-usaha iban kilahun tau maas nila. Nah, namayta' kanila sabunnal tuud nabassa niya ha kitab Tawrat in tiyap-tiyap Nabi awn sadja wasiyat (piyaminan pangandulan sin pagnakura'), sabunnal tuud in hi baginda Ali —kiyaridaan sin Allah- amuna in wasiyat (pamin) sin Muhammad (ﷺ).

Siyabbut hi Al-Shihristani tungud kan Ibnu Saba' ha sabunnal tuud siya in panagnaan nag-himumungan ha tungud sin pagnakura' hi baginda Ali (﴿), Iban nasabbut daisab niya in tumpukan "As-Saba'iyyah" (manga miyamagad kan Ibn Saba') sila in panagnaan naghimumungan ha tungud sin *Tawakkuf* (in pagnakura' tuput sadja kan baginda Ali iban ha manga agad kaniya), *Al-ghayba* (in baginda Ali kunu' iban sin manga kaimaman nila awn panghati sin ilmu' ga-ib), iban *Al-Ruj-'ah* (magbalik mabuhi' pa dunya puas sin kamatay). Mahuli, in manga Aqeedah ini nakawa' pusaka' sin manga Shi'ah pagpuas nila. Misan pa mataud in piyagsulangan nila iban nabahagi' pa mataud in tumpukan ini, in kaul nila tartantu nasabbut iban piyagbin tuud in pagnakura' hi Ali (﴿) iban paghalipa niya. Amuini in manga Aqeedah kiyabin hi Abdullah bin Saba' kanila, Pagsakali timaud na in tumpukan sin Shi'ah iban sin manga himu-mungan nila pa piyuw-an himumungan ha pagpuas hi Abdullah bin Saba'.

Na' habiya' hayan timagna' in himumungan sin Shi'ah ha tungud sin wasiyat (paminmin sin Nabi (ﷺ) ha paghalipa hi Ali (ﷺ), iban pagbuhi' magbalik pa dunya puas sin kamatay, iban panghati sin ga-ib (nakatatapuk), iban pa sin himumungan nila ha tungud sin pagkatuhan sin manga kaimaman nila pangagari ra isab ha pikilan hi Ibnu Saba' amuin yahudi.<sup>5</sup>

<sup>&</sup>lt;sup>5</sup> - Usul I'tiqadu Ahlus Sunnah wal-Jama'ah kan Al-la'laka-ee vol.1 /22-23.

# لماذا سمي الشيعة بالرافضة؟ Mayta' ngiyanan in Shi'ah, Al-Rafidah?

In pag-ngan ini nasabbut sin guru nila hi Al-Majlisi ha kitab niya (Bihaar al-Anwaar) iban siyabbut niya in upat Hadith dayng ha kaHadith-Hadithan nila, laung niya ha bahagian sin kitab "pasal kalabbiyan sin Rafidah iban kabantugan ha pag-ngan (danglay) kaniya", ubus ampa niya siyabbut in bayta' dayng kan Sulaiman al-A'mush in agi niya: "Simud aku madtu kan Abu Abdullah Ja'far bin Muhammad laung ku kaniya: In aku hambuuk kusug bawgbug mu, sabunnal tuud in manga manusiya' ngiyanan nila kitaniyu Rafidah, unu ta' in hati sin Rafidah? Na' laung niya: "Sapahan ku ibut pa Allah (🎉) bukun sila in nag-ngan kaniyu. Sumagawa', Allahu Ta'ala in nag-ngan kaniyu sin ngan yan halaum Tawrat iban ha Injil gimuwa' dayng ha dila' hi Nabi Musa (💥) iban hi Nabi Eisa(🌿).

Awn bayta' ngiyanan sila Rafidah sabab sabunnal tuud in sila dimatung madtu kan Zaid bin Ali bin Al-Husain laung nila: "Pamuas kaw dayng kan Abubakar iban kan Umar hasupaya kami magad kaymu", na' in sambung niya: "In sila ruwa (Abubakar iban hi Umar) lundang karabat sin apu' ku (�), na' gamnamayan bawgbugan ku pa sila karuwa". Laung nila: "Bang bihadtu hisulak namu' kaw hipagmahukaw". Dayng didtu kiyanganan sila Rafidah (tau manunulak sin kasabunnalan iban di' manaymai), iban ngiyanan in sabarang miyagad iban namawgbug kan Zaid, "Zaidiyyah".

Awn pa bayta'; ngiyanan sila Rafidah sabab sin panulaki/pagmahukaw nila ha pagnakura' (khalifa) hi Abubakar iban hi Umar.<sup>8</sup> Awn pa bayta': ngiyanan sila Rafidah sabab sin panulaki nila sin Agama Islam.<sup>9</sup>

<sup>&</sup>lt;sup>6</sup> - Bihaar al-Anwaar kan Al-Majlisi page.65/97

<sup>&</sup>lt;sup>7</sup> - Ha kitab At-Ta'liqaat 'ala matni lum-atil I'tiqad kan Sheikh Abdullah Al-Jibrin pg.108

<sup>&</sup>lt;sup>8</sup> - kitaa ha kitab Maqa-latul Islamiyyin kan Muhyiddin Abdulhamid vol-1/page 89

<sup>&</sup>lt;sup>9</sup> - Maqa-latul Islamiyyin vol-1/page 89

### إلى كم تنقسم فرق الرافضة؟

### Nabahagi' nagpila in manga tumpukan sin Rafidah?

Biyayta' ha kitab *Da-iratul Ma'arif* sabunnal tuud in limahil dayng ha manga sanga sin tumpukan sin Shi'ah kulang labi kapituwan tag-tuw (73) tumpukan amuin tanyag"<sup>10</sup>

Bayta' pa dayng ha himumungan sin hambuuk Rafidah (Shi'ah) hi Meer Ba-qir ad-Damad: "Sabunnal tuud in katan tumpukan amuin nasabbut ha Hadith "*Mabahagi' in ummat pa kapituwan tag-tuw (73) tumpukan*" amuna in tumpukan sin Shi'ah, in masalamat iban malappas dayng ha manga tumpukan yaun, amuna in Madzhab al-Imamiyyah". <sup>11</sup>

Nassabbut hi Al-Maqriezi: "Sabunnal tuud in tumpukan sin Shi'ah miyabut pa tung ngagatus (300) tumpukan". 12

Laung hi Al-Shihristani: "Sabunnal tuud in Rafidah nabahagi' pa limangkabahagi': Al-kaisaniyyah, Az-Zaidiyyah, Al-Imamiyyah, Al-Ghaliyyah iban Al-Ismailiyyah". 13

Iban bayta' hi Al-Baghdadi: "Sabunnal tuud in Rafidah ha puas na sin jaman sin baginda Ali (﴿) upat (4) tumpukan: Zaidiyyah, Ima-miyyah, Kaisaniyyah iban Ghulaat.

Pahati!: In Zaidiyyah bukun dayng ha manga tumpukan sin Rafidah puas in tumpukan Al-Jaruodiyyah.

<sup>&</sup>lt;sup>10</sup> - Ha kitab Da-iratul Ma'arif 4/67

<sup>&</sup>lt;sup>11</sup>- Siya na hi Ba-qir bin Muhammad Al-Istarbadi natanyag siya ha ngan Meer ad-Damad amuin nawapat ha tahun 1041Hijriah. kitaa in suysuy sin kabuhih niya ha kitab *Al-Kuna wal Al-qaab* kan Abbas al-Qummi 2/ 226.

<sup>&</sup>lt;sup>12</sup> - Siya na hi al-Maqrizi ha kitab niya *Al-khitat* 2/351

<sup>&</sup>lt;sup>13</sup> - Ha kitab *al-Milal wan- Nihal* kan Al-Shihristani pg 147.

<sup>&</sup>lt;sup>14</sup> - Ha kitab *Al-farqu baynal firaq* kan Imam Al-Baghdadi pg 41.

### ما عقيدة البداء التي يؤمن بها الرافضة؟

### Unu in Aqeedah Al-bada'a amuin piyaparatsaya sin Rafidah?

In ma'ana sin *Al-bada'a* siya na in paglahil puas sin katalbang atawa katapuk, atawa kan mag ma'ana; pagtagna' sin pikilan ba'gu. In duwa ma'ana sin al-Bada'a ini manghukumi kiyaunahan sin kaawam iban pagtagna' sin panghati, in duwa ma'ana yan mustahil pa Allah (ﷺ), sumagawa' in mga Rafidah nisbat nila in sipat al-bada'a pa Allah (ﷺ).

Bayta' dayng kan Al-Rayyan bin as-Sult laung niya : "Diyungug ku hi al-Rida namung: "Way in Allahu Ta'ala nagpara Nabi malayngkan mangharami sin alak iban nanantuhi sin sipat al-bada'a sipat sin Allahu Ta'ala" <sup>15</sup>

Bayta' dayng kan Abu Abdullah laung niya: "Way piyagtag-iypunan in Allahu Ta'ala ha hambuuk unu-unu dugaing dayng ha sabab sin sipat niya Al-bada'a" <sup>16</sup>. Mahatinggi in Allahu Ta'ala dayng ha manga damikkiyan yan Tuhan sa taas-taas.

Dung-dungi marayaw O kaw taymanghud ku Muslim..!! bang biya' diin in pagnisbat nila sin sipat Jahl (kaawam) pa Allah Mahasutsi Mahatinggi sin in siya Allah Mahatinggi nagparman halaum sin Qur'an mahamulliya ha tungud sin sipat Niya:

"Pamungan kanila o Muhammad! way makaingat sin sabarang ga-ib (nakatatapuk) ha pitung lapis langit iban lupa' malaingkan tuput in Allah (ﷺ) "(Surah An-Naml ayat 65).

<sup>&</sup>lt;sup>15</sup>- Ha kitab Usuol al-Kafi pg 40

<sup>&</sup>lt;sup>16</sup>- Ha kitab Usuol al-Kafi kan Al-Kulaini ha kitab tawhid (1/331)

Adapun in lawan sin ayat ini, in pamaratsaya sin Rafidah (Shi'ah) ha sabunnal tuud in manga kaimaman nila sangat makahati sin sabarang ma'lum (iingatun, naawn, piyapanjari,) way nakatampan (makatapuk ha) panghati nila hangsulag unu-unu.

Unu bihaini baha' in Aqeedah sin Agama Islam amuin piyasampay sin panghu' natu' Muhammad (ﷺ)!???......



### ما عقيدة الرافضة في الصفات؟

### Unu in Aqeedah sin Shi'ah tungud ha manga Sipat?

In Rafidah silana in panagnaan naghimumungan in Tuhan (ﷺ) nagpasalupa baran manusiya'.

Bayta' hi Shiekh ul-Islam Ibnu Taymiyyah: in kimaput nagpa'san sin puting dakula' ini dayng ha manga Rafidah, amuna hinda Hisham bin al-Hakam<sup>17</sup>, Hisham bin Salim Al-Jawaliqi, Younus bin Abdur Rahman Al-Qummi iban hi Abu Ja'far Al-Ahwal.<sup>18</sup>

In katan sin nasabbut ini dayng ha manga kaguruhan dakula' sin Madzhab Ithna 'Ashariyyah (hangpu' tagduwa Imam), ubus nahinang sila Jahmiyyah biya' sin nasabbut ha kamatauran sin bayta' nila amuin hiyantang (siypat) nila in Tuhan Rabbul A-lameen sin manga sipat Al-Salbiyyah (Sipat kurang/tagatamak tauktuk iban sasallaun, di' tuud tumup hipagsipat pa Allah (ﷺ), amuin piyasud atawa giyanap nila pa manga sipat Thaabitah (tutug atawa tattap salama-lama) ha Mahasutsi Mahatinggi Allahu Ta'ala.

Sabunnal tuud nagriwayat hi Ibnu Babaweih sin labi kapituwan riwayat, ha bayta' sin riwayat ini sabunnal tuud in Allahu Ta'ala "Di' hikasipat Jaman (masa), lugal atawa tampat, hantang, kuhibal, maglatunlatun, iban unu-ununa dayng ha manga sipat ginhawa, bukun siya pananaman, bukun anggawta' iban salupa" Na' in piyapanaw sin manga kaguruhan nila biya' na sin tiranan sin pangadji' ini —pangadji' - kalaungan sarta' piyalling nila niyapihan in maksud sin manga sipat sin Allahu Ta'ala amuin nasabbut ha Qur'an iban Hadith pa dugain maksud. <sup>20</sup>

<sup>&</sup>lt;sup>17</sup> - Minhaju As-Sunnah (1/20)

<sup>&</sup>lt;sup>18</sup> - I'tiqad Firaqul Muslimin wal Mushrikin pg.97

<sup>&</sup>lt;sup>19</sup> - At-Tawheed kan Ibn Babaweih pg. 57

<sup>&</sup>lt;sup>20</sup> - In Sipat Salbiyyah amuna in sipat namaylu ha lawan niya, biya' sin laung mu: in Tuhan bukun ginhawa, bukun nasusun dayng ha Jirim (Atom), bukon masa iban tampat. Nah! In manga sipat ini liyamud sin manga Shi'ah pa sipat "Thubutiyyah" tutug ha Allahu

Damikkiyan, biya' daisab sin pagmungkil nila ha pagnaug sin Allahu Ta'ala pa langit Dunya, iban namung sila in Qur'an piyapanjari, iban nagmungkil sila sin kakitaan in Allahu Ta'ala ha Adlaw Qiyamat. bayta' ha kitab *Bihaar al-Anwar* sabunnal tuud hi Abu Abdullah Ja'far As-Sadiq naasubu siya ha tungud sin Allahu Ta'ala Mahasutsi Mahatinggi; Unu kakitaan Siya ha Adlaw Qiyamat? Laung niya Mahasutsi Mahatinggi in Allahu Ta'ala dayng ha manga damikkiyan yan, sabunnal tuud in mata di' makadawhat sin unu-unu malaingkan subay taga warna' iban hantang, na' in Allahu Ta'ala siya in nagpapanjari sin kawarna'-warna'an iban hantang. <sup>21</sup>

In pamung pa nila: bang hinisbat (hisandig) pa Allahu Ta'ala in kaibanan sipat biya' na sin kakitaan Siya ha Adlaw Qiyamat, in hukuman kaniya murtad, biya' na sin bayta' dayng ha guru nila hi Ja'far an-Najafi<sup>22</sup>.

ha kiyahatihan, sabunnal tuud in kita' sin manga manusiya' pa Allahu Taala ha Adlaw Qiyamat tartantu nakalukis ha Qur'an iban ha Hadith ha di' malikus/masakup iban way hantang. Biya' na sin palman Niya (ﷺ) halaum Qur'an :

"Ha adlaw yan (Adlaw Qiyamat) in manga pamayhuan sin manga Mu'min (Bar-Iyman) nagsasahaya sabab sin kasanyangan iban kakuyagan, imaatud iban miyamandang pa Tuhan nila Mahasutsi, Mahatinggi. (Surah Al-Qiyamah 22-23).

Sabda sin Rasulullah (ﷺ)ha riwayat hi Imam Al-Bukhari iban hi Muslim dayng kan Jarir bin Abdullah Al-Bujali namung siya: In kaawnan namu' limilingkud sarta' iban sin Rasulullah (ﷺ), nah imatud in Rasulullah (ﷺ) harap pa bulan ha hika hangpu' tag-upat kasubangan ampa Siya nagsabda: "Sabunnal tuud kakitaan niyu (sin mata niyu) in Tuhan niyu

Ta'ala amuin nasabbut ha Qur'an iban Hadith, biya' sin pangdungug, pangitah, panghati, kawasa, kalimaya iban sin kaibanan niya. (Nag Julbahasa)

<sup>&</sup>lt;sup>21</sup> - Bihaar Al-Anwaar kan Al-Majlisi (4/31)

<sup>&</sup>lt;sup>22</sup> - Kashful Ghita' pg 417.

matampal biya' sin kakita' niyu sin bulan ini ha way makatampan sin kita' niyu Kaniya''<sup>23</sup>.

Mataud pa kadalil-dalilan ha Qur'an iban Hadith namayta' in Allahu Ta'ala kakitaan ha Adlaw Qiyamat, sagawa' di' tana masabbut katan di ha ini.

 $\Diamond$   $\Diamond$   $\Diamond$ 

<sup>&</sup>lt;sup>23</sup> - Riwayat hi Al-Bukhari ha umbul sin hadith (544) iban hi Muslim ha umbul (633)

# ما اعتقاد الرافضة في القرآن الكريم الموجود بين أيدينا الذي تعهد الله بحفظه؟

## Unu in I'tiqad sin Rafidah ha Qur'an Al-Karim amuin jiyanjian sin Allah (ﷺ) parihalaun niya?

Sabunnal tuud in Rafidah amuin pagtagun ha waktu natu' bihaun (Shi'ah) in pamung nila ha pasal sin Qur'an Al-Karim amuin ha laum lima natu' bihaun bukun amu ini in mattan Qur'an amuin piyaturun sin Allah (ﷺ) ha Nabi Muhammad (ﷺ). Sagawa', in kamattanan niya kiyapindahan, kiyagantian, kiyaganapan iban kiyakurangan na in halaum niya. In kamatauran Muhaddithiyn (kaguruhan ha Hadith) dayng ha manga Shi'ah in I'tiqad nila kiyapindahan na in halaum sin Qur'an biya' sin damikkiyan nasabbut hi an-Noori Al-Tabrisi ha kitab niya Faslul khetaab fi Tahreef kitabi Rab'bil arbaab<sup>24</sup>.

Namung hi Muhammad bin Ya'kub Al-kulaini ha kitab *Usool al-Kafi* ha babaan sin bab **"Sabunnal tuud wala' nakapatibuuk sin Qur'an katan malaingkan amura in manga kaimaman"** hatiniya kaimaman sin Shi'ah) laung niya: Dayng kan Jabir namung siya: diyungug ku hi Abu Ja'far naghimumungan: 'Wayruun hangkatau dayng ha manga manusiya' mamayta' sabunnal tuud natibuuk niya in Qur'an katan biya' sin kapaturun sin Allahu Ta'ala malaingkan in siya putingan, way nakapatibuuk kaniya iban nakahapal kaniya biya' sin kapaturun sin Allahu Ta'ala malaingkan amura hi Baginda Ali bin Abi Talib iban sin manga kaimaman puas niya.<sup>25</sup>

Dayng kan Jabir bayta' dayng kan Abu Ja'far (ﷺ) sabunnal tuud in siya namung: "Wayruun hangkatau makagaus mamayta' sin awn Qur'an niya jukup lahil iban batin dugaing dayng ha manga kiyapagwasiyatan – kiyapaminan"<sup>26</sup>.

<sup>&</sup>lt;sup>24</sup> - Faslul khetaab fi Tahreef kitabi Rab'bil arbaab pg.32.

<sup>&</sup>lt;sup>25</sup> - Ha kitab Usool al-Kafi kan Al-kulaini 1/228

<sup>&</sup>lt;sup>26</sup>- Ha kitab Usool al-Kafi kan Al-kulaini 1/285

Dayng kan Hisham bin Salim bayta' dayng kan Abu Abdullah laung niya: " Sabunnal tuud in Qur'an amuin piyaratung sin Jibril ( kan Muhammad (48) hangpu' tagpitu ngaibu ayat (17,000 ayat)". 27 In ini hatiniya sabunnal tuud in Qur'an amuin bayta' sin Rafidah labi mataud dayng sin Qur'an amuin halaum lima taniyu bihaun makatuw lipatun, Qur'an amuin jiyanjian sin Allahu Ta'ala parihalaun siya dayng ha katan unu-unu. Magpatilibun kitaniyu pa Allahu (36) dayng hakangian iban kaputingan nila.

Bayta' hi Ahmad at-Tabrasi ha kitab niya al-Ihtijaaj laung hi Umar kan Zaid bin Thabit: Sabunnal tuud hi Ali diyahan niya kitaniyu sin Qur'an in ha laum niya manga kabiasan sin manga Al-muhajirin (manga sahabat dayng ha Makkah) iban Al-ansar (manga sahabat dayng ha Madina) na' napikil namu' magbaktul kitaniyu Qur'an hi-ig ta in katan kasipugan iban kabiasan sin manga Al-muhajirin iban Al-ansar. Na' tiyayma' hi Zaid in pikilan yadtu ampa siya namung: 'Bang ku matangbus hinangun in Qur'an biya' sin piyangayu' niyu ubus paguwaun isab hi Ali in Qur'an amuin siyulat (hiynang) niya, di' baha' batalun niya in katan hinang niyu? Nah simambung hi Umar: 'Unu in mapatut taniyu hinangun? Sambung hi Zaid: kamu in labi makaingat bang unu in labi marayaw hinangun!, sambung hi Umar: 'way na labi marayaw hinangun dayng sin patayun taniyu siya hasupaya sumannang na atawa makahiyal na kitanyu dayng kaniya, na' nagplanu siya hipapabunu' niya hi Ali kan Khalid ibnul Walid sagawa' di' niva kagausan bunuun hi Ali.

Nahinang man khalifa hi Umar piyangayu' niya kan Ali in hitukbal kanila in Qur'an (amuin siyulat hi Ali) hasupaya nila kagantian iban kapindahan ha antara' nila. Namung hi Umar: O, Abal Hasan bang mu dahun mari in Qur'an amuin diya mu nakauna kan Abubakar hasupaya kapaghambuukan iban kapaglingkuran taniyu bang unu in mapatut

 $<sup>^{\</sup>rm 27}\text{-}$  Ha kitab Usool al-Kafi kan Al-kulaini (2/634). Nah biyunnal iban piyangamdusan sin guru nila hi Al-majlisi in riwayat ini, bayta' niya ha kitab niya Mir-aat al-Uqool 12/525: In hadith ini kapangamdusan. Ampa siya namung : "In suysuy ini bunnal, iban matampal iban pa sin kamatauran suysuy bunnal ha tungud sin kakurang sin Qur'an iban pagpinda kaniya, ha panayma' ku in khabar ini way pagduwaruwa bunnal in ma'ana.

hinangun kaniya. Na' sambung hi Ali: di' niyu tuud madawhat in iyaangan-angan niyu yan, sabunnal tuud diya ku in Qur'an madtu kan
Abubakar hasupaya mag-abugaw sumaksi' kaniya pa mangi' iban di' na
kamu makapamung ha Adlaw Qiyamat sin: "Sabunnal tuud in kaawnan
namu' halaum kaawam sin parakala' yan" (Surah Al-a'raf ayat 172). Atawa
kan in hipamung niyu ha Adlaw Qiyamat: "Way kaw miyari kamu'. (Surah
Al-a'raf ayat 129). Sabunnal tuud in Qur'an ini way makakaput kaniya
malaingkan amura in manga sutsi iban sin manga kiyapangandulan napi'
(kiyapagwasiyatan) dayng ha manga anak ku. Na' sambung kaniya hi
Umar: "Unu awn ka tartantu waktu sin pagguwa' niya (sin Qur'an) yan? In
sambung hi Ali: Huun, apabila tumindug na gumuwa' in kiyapagwasiyatan
dayng ha anak ku hipaguwa' niya na in Qur'an iban papaagarun niya in
manusiya' ha yaun. 28

Misan pa hipalahil sin Shi'ah in pamuasi nila ha kitab hi An-Noori Al-Tabrasi hasupaya nila hikatapuk iban tampanan in Aqeedah nila, na' sabunnal tuud in halaum sin kitab ini giyatusan bissara dayng ha manga kaulamaan nila amuin nasabbut ha kakitab-kitaban amuin piyapangamdusan nila. Nagpatantu kaniya ha sabunnal tuud in sila gawgut sin in Qur'an kiyapindahan, kiyagantian, kiyakulangan iban kiyaragdagan sarta' piyaparatsaya nila ini. Sumagawa' di' sadja sila mabaya' maawn in kahiluhalaan ha tungud sin Aqeedah nila ha Qur'an mahamulliya.

Manjari ha puas sin yadtu awn pa pamaratsaya nila amuin nahinang in Qur'an duwa bahagi'. In hambuuk kiya-iingatan (matampal) iban in hambuuk nakatatapuk biya' na sin "Surah Al-wilaya". Dayng ha manga pamaratsaya sin Shi'ah Rafidah; awn kunu' inig halaum sin Qur'an amuin biyayta' hi an-Noori at-Tabrasi ha kitab niya Faslul khetaab fi Tahreef kitabi Rab'bil arbaab ayat [ وَرَفَعْنَا لِكَ ذِكْرَكَ بِعَلِيٍّ صِهْرَكَ ] Hatiniya: "Liyaggu' namu' in pagkatau iban ngan mu (O Muhammad) sabab hi Ali ugangan mu". Ha daawa nila in ini inig dayng ha Surah { اللَّمْ نَشْرَح} na'! way tuud sipug nila (manga Shi'ah) ha bihaini pamaratsaya sarta' kiyahahatihan nila

<sup>&</sup>lt;sup>28</sup> - Ha kitab al-Ihtijaj kan at-Tabrisi pg 225 iban ha kitab Faslul khetaab pg 7.

in Surah ini piyaturun ha Makkah sakutika' in hi baginda Ali (﴿ bukun pa ugangan sin Rasulullah (﴿ ha waktu sila ha Makkah.



### ما عقيدة الرافضة في أصحاب رسول الله (ه) ؟

## Unu in Aqeedah sin Rafidah ha manga Sahabat sin Rasulullah (#)?

Timindug in Aqeedah sin Rafidah ha pagpaninggad, pagpamungmung iban pangupur-ngupur ha manga sahabat (﴿). Biyayta' hi Al-kulaini ha kitab *Foroo' al-Kafi* dayng kan Ja'afar (﴿): "In kaawnan sin manga manusiya' (Sahabat) ha pagpuas sin Nabi (﴿) manga murtad katan malaingkan amura in tuw (3) tau, na' laung ku: hisiyu in manga tuw (3) yaun? Sambung niya: hi al-Miqdad bin al-Aswad, Abu Dharr al-Ghifaari iban hi Salman al-Faarisi<sup>29</sup>.

Biyayta' hi Al-Majlisi ha kitab niya *Bihaar al-Anwaar* sabunnal tuud in daraakun hi Ali bin Al-Husain naghimumungan: Aku in iban niya kamawmuhan ha waktu isa-isa niya, na' laung ku kaniya: "Sabunnal tuud awn hak (kapatut) ku duun kaymu, makapuas sadja kaw dayng ha hak ku kaymu bang mu aku kabaytaan ha tungud sin duwa usug ini; hi Abubakar iban hi Umar" In sambung niya: "In sila duwa yan kapir, iban hisiyu-siyu in makasi, malasa kanila duwa mabilang daisab kapir".

Dayng kan Abu Hamza ath-Thumali sabunnal tuud naasubu niya hi Ali bin Al-Husain ha tungud nila duwa. In sambung niya: in sila duwa (Abu Bakar iban hi Umar) kapir, iban hisiyu-siyu in makasi malasa kanila ruwa mabilang daisab kapir))<sup>30</sup>

Hi al-Qum'mi tiyapsilan niya in palman sin Allahu Ta'ala:

<sup>&</sup>lt;sup>29</sup>- ha kitab foroo' al-Kafi kan Al-kulaini pg 115

<sup>&</sup>lt;sup>30</sup> - ha kitab Bihaar al-Anwaar kan Al-Majlisi 69/137,138. duun haini subay hikapatarrang sabunnal tuud hi Ali bin Al-Husain iban sin katan ahlul bayt namuasi sila sin katan panghimuting sin mga Rafida tungud kanila, piyagmulkaan sin Allahu Ta'ala in manga Rafida ha manga kaputingan nila!

"Iban in Allahu Ta'ala nanglangi sin katan hinang mangi' iban hinang mungkar (langgal shara') iban panganyaya". (Surah an-Nahl:90)

Nah laung niya: in hati sin الْقَحْشَاء (mangi') amuna hi Abubakar, in (langgal Shara') amuna hi Umar iban in وَالْبَغْي (panganyaya) amuna hi Uthman. Iban bayta' hi al-Majlisi ha kitab niya Bihaar al-Anwaar laung niya: In manga bayta' manunjuki ha kakupur hi Abubakar iban hi Umar iban sin sibu' nila duwa iban sin pahala' mahasil ha pagla'nat atawa panukna' kanila duwa iban pamuasi dayng kanila duwa sampay agad na in paghinang nila bid'ah, di' maambat iban maubus taki-takihun ha kitab atawa kan ha kakitab-kitaban, in kiyabayta' namu' jukup na ha hisiyu-siyu in mabaya' hidayatan sin Allahu Ta'ala pa dan mabuntul. 32

Bayta' pa hi al-Majlisi ha kitab niya *Bihaar al-Anwaar* ha riwayat mataud, sabunnal tuud hi Abubakar, Umar, Uthman iban Mu'awiyah (\*) halaum lalungan dayng ha Narka'. magpatilibun kita pa Allah. 33

Namung pa in manga Shi'ah ha kitab nila *Ihqaaq Al-haq* kan Mar'ishi:

"Ya Allah! salawat kan Muhammad (3) iban ha Ahli niya iban la'nata in duwa barhala' sin Quraish iban sin duwa manghihinanghinang iban sin duwa taghoot sin Quraish iban sin duwa anak nila babai.."

In maksud sin Shi'ah ha duwa yadtu amuna hi Abubakar iban hi Umar iban sin duwa anak nila babai hi 'Aisha iban hi Hafsa (♣).

Iban siyabbut pa hi al-Majlisi ha kitab niya *Al-aqaa'id* laung niya: "Dayng ha manga mapatut tuud itungun sin Agama sin Imamiyyah amuna

<sup>&</sup>lt;sup>31</sup> - ha kitab Tafsir al-qummi 1/390

<sup>&</sup>lt;sup>32</sup>- Bihaar al-Anwaar kan Al-Majlisi 30/230

<sup>&</sup>lt;sup>33</sup> - Bihaar al-Anwaar kan Majlisi 30/236

<sup>&</sup>lt;sup>34</sup>- Ihqaaq Alhaq 1/337. bassaha in duwa'a nila ha hinapusan sin kitab ini.

in paghalal sin **Mut'ah** atawa **Nikaahul-Mut'ah**"<sup>35</sup> iban pamuasi dayng ha tuw (3) tau (Abubakar, Umar iban Uthman) iban kan Mu'awiyah, Yazid bin Mu'awiyah iban ha katan dima nagbunu' ha Amirul Mu'miniin Ali bin Abi Talib".<sup>36</sup>

Iban ha adlaw 'Ashura' magda sila binatang iru' ngiyanan nila kan Umar, ubus ampa nila in binatang iru' yaun pagsama-samahan kakalun sin kahuy iban batuhun sampay mapatay, pag-ubus ampa naisab sila magda anak kambing nganan nila kan 'Aisha, ampa nila in anak kambing yaun larutan bulbul iban pagsama-samahan pukpukun sin kataumpa'-taumpaan sampay mapatay.<sup>37</sup>

Damikkiyan maglami-lami sila mag-imun-imun ha adlaw kabunu' kan Umar bin al-Khattab iban ngiyanan nila in tau nakabunu' kaniya hi Abu Lo'loah al-Majoosi kan ( بابا شجاع الدين ) hatiniya: Ama' maisug sin Agama. (Kiyaridaan sin Allahu Ta'ala in katan Sahabat sin Rasul (ﷺ) iban sin manga Ummahatul Mu'miniin (kainaan sin manga Mu'miniin).

Dung-dungi kunu' marayaw O kaw taymanghud ku Muslim, wayna lumabi jangki iban kangi'an ha tumpukan nalaung dayng ha Agama, in himumungan nila ha manga sarayaw-rayaw Manusiya' puas sin kanabihan (Alayhimus salam) iban amuin piyudji sin Allahu Ta'ala iban Rasul niya, iban mawpakkat in ummat sin kaadilan (kabuntul) nila iban kalabbiyan nila, iban kiyasaksian sin masa in karayawan iban pagjihad (paglaud piluy) nila nagbawgbug ha Agama Islam.

<sup>&</sup>lt;sup>35</sup> - "Temporary Marriage" in hatiniya: pag-asawa-asawa sin usug ha karna' sadja panginam-kinam/pagmain-main-pagdul sin sahawat-napsu niya pa babai, bayaran pilapilana in babai ha awn waktu jankaan niya, duun naka ha iyadlawan, piytuhan, biyulanan atawa tiyahunan ha diin-diin na in kiyapagsulutan nila duwa ha way na pag-hajat saksi' iban panugut wali sin babai iban way pagwaris-wiyarisi, ubus bang tumubtub na in waktu kiyapag-isunan nila bugtu' na in parsugpatan nila, pasaran na sin usug in babai)

<sup>&</sup>lt;sup>36</sup>- Risalah al-Aqaa'id kan Al-Majlisi page 58.

<sup>&</sup>lt;sup>37</sup>- Tabdeed adth-dthalam wa Tanbeeh an-Niyam kan Shiekh Ibrahim Al-Jabhan page: 27.

<sup>&</sup>lt;sup>38</sup> - Al-kuna wal Al-qab kan Abbas Al-qumi 2/55

### ما أوجه التشابه بين اليهود والرافضة؟

## Unu namayan in manga piyagsibuan ha antara' sin Yahudi iban Rafidah?

Laung hi Sheikhul Islam Ibnu Taymiyyah (Rahimahullah): "In tanda' atawa kan in alamat niya, in papanaw sin Rafidah amura isab in papanaw sin Yahudi, dayng ha damikkiyan yadtu namung in manga Yahudi: "Di' maharus hihangla' in pagnakura' malaingkan subay ha usba (panubu') hi Nabiullah Daud, in pamung isab sin Rafidah: "Di' maharus in pagnakura' malaingkan subay ha anak hi Ali.

Namung pa in manga Yahudi: "way Jihad fiy sabiylillah sahingga gumuwa' in *Dajjal* iban panaugun in puddang". In pamung isab sin Rafidah: "way Jihad fiy sabiylillah sahingga gumuwa' hi Al-Mahdi iban awn na manawag-tawag dayng ha taas langit".

In manga Yahudi talayun/tahalaun nila in sambahayang sahingga gumuwa' na tumampal in manga asibi' sin kabituun-bituunan ha antara' sin manga dakula' nila sahingga way na makatapuk dayng kanila misan hambuuk, damikkiyan bihan daisab in Rafidah talayun nila in waktu sin sambahayang Magrib sahingga tumigidlum na tuud in Magrib.

Bang mu bassahun in Hadith sulang ha manga kabtangan nila, Sabda sin Rasul (ﷺ): "Masi-masi in ummat ku halaum Fitra (Agama Islam) salugay nila di' talayun in waktu Maghrib pa tumigidlum na tuud in waktu niya". <sup>39</sup>

In manga Yahudi pindahan nila in Tawrat (kitab piyaturun ha Nabi Musa), damikkiyan bihan daisab in manga Rafidah pindahan nila in Qur'an. Iban in manga Yahudi di' nila jarihun in pagsapu ha khuffain (kalsitin iban sapatus ha waktu mag ayir ha sarat biyayta' sin shara'), damikkiyan bihan daisab in manga Rafidah.

<sup>&</sup>lt;sup>39</sup>- Riwayat hi Imam Ahmad 4/147, 5/417-422, Abu Daud (418), Ibn Majah (689), ha Kitab Al-Zawaid in isnad niya hasan (marayaw).

In manga Yahudi mabungsi sila ha Jibriel (ﷺ) in pamung nila: Siya in kuntara namu' dayng ha manga Malaikat, damikkiyan bihan daisab in manga Rafidah in pamung nila: nalaung in Jibriel (ﷺ) nagda wahi kiyakadtu kan Muhammad (ﷺ). <sup>40</sup> Damikkiyan in manga Rafidah tiyauran nila in manga Nasarah (Christian) ha hambuuk sipat: "Wayruun ungsud sin kababaihan nila sagawa' panginam-kinaman nila sadja, biya' da hayan in manga Rafidah Mut'ahun nila sadja in kababaihan nila iban hiyalal nila in Mut'ah.

Marayaw pa in manga Yahudi iban Nasara (Christian) dayng ha manga Rafidah ha duwa sipat, Naasubu in manga Yahudi: "hisiyu in sarayaw-rayaw manusiya' ha Agama niyu? in pamung nila: panaiban hi Musa (ﷺ). Naasubu in manga Nasarah: hisiyu in sarayaw-rayaw manusiya' ha Agama niyu? in pamung nila: panaiban hi Eisa (ﷺ). Naasubu in manga Rafidah: hisiyu in sangi'-ngi' manusiya' ha Agama niyu? in pamung nila: panaiban (Sahabat) hi Muhammad (ﷺ).

Bayta' hi Sheikh Abdullah Al-Jumaylie ha kitab niya *Badthlol Majhood fe Mushabahatir Rafidah bil yahud* dayng ha manga piyagsibuan sin Rafidah iban sin Yahudi pangufur-ngufur sin Yahudi iban Rafidah ha dugaing dayng sin Agama nila iban panghalali nila ha dugu' iban kaaltaan nila. Laung niya: Biyahagi' sin Yahudi in manusiya' pa duwangka bahagi': (Yahudi iban Umamiyyun), in Umamiyyun bukun sila Yahudi, in I'tiqad

<sup>40</sup> - Awn tumpukan pagtawagun Al-Garabiyyah laung nila: in Jibriel () hayanat, In mapatut subay niya hiturun in wahi kan Ali bin Abi Talib. Sa' kiyadtu niya kan Muhammad (ﷺ), dayng ha sabab yadtu in sila naghimumungan: (nanghayanat in Jibril liyayu' niya in wahi dayng kan Ali).

Note: Kitaa niyu kunu' O taymanghud ku Muslim mayta' nila tuhumahun in Jibril (ﷺ) nanghayanat, in Tuhan Mahasutsi, Mahatinggi Allahu Ta'ala diyanglayan niya in Jibril "Al-ameen" (kapangandulan) ha palman niya ha Surah Ash-Shu'ara' ayat 193 ( الأمين ) hatiniya: nanaug kaniya in Jibril kapangandulan nagdara wahi dayng ha Allah. Palman pa sin Allahu Ta'ala ha Surat At-Takweer ayat 21 ( مطاع ثم أمين ) hatiniya: pagtaatan siya sin manga malaikat Kapangandulan sin wahi. Bang ikaw O taymanghud ku Muslim unu in hikapamung mu sin I'tiqad bihaini amuin kiyakahagad sin manga Rafidah?!

<sup>&</sup>lt;sup>41</sup> - Minhaj As-Sunnah kan Ibn Taymiyyah 1/24.

sin Yahudi sila ra in (Mu'min) namamaratsaya, adapun in Umamiyyun ha pangatud nila kapir iban way Agama. Bayta' ha kitab nila Al-Thalmood: In katan manusiya' dugaing dayng ha Yahudi, way Agama nila (pagan), iban in panghindu' sin kaparian nila simibu' tuud hayan. Sampay hi Nabi Eisa () way nasalamat ha pangupur ngupur nila, biyayta' ha kitab nila Al-Thalmood siypat nila hi Nabi Eisa () kapir di' makahati magtuhan. Iban biya' daisab hayan in I'tiqad sin Rafidah sabunnal tuud sila ra in Mu'min (namamaratsaya) in manga muslimin puas dayng kanila manga kapir, murtad way suku' nila ha Agama Islam. Adapun in sabab hangkan kiyupur sin Rafidah in manga muslimin, pasal way nila liyamud in (Wilayah) pagnakura' hi Ali dayng ha manga rukun sin Islam biya' sin I'tiqad sin Rafidah. Na' hisiyu-siyu in di' niya bilangun in Wilayah dayng ha manga rukun sin Islam, in siya kapir ha I'tiqad sin Rafidah, biya' da kahantang sin way nagshahadat iban timinggal sambahayang, tantu ha I'tiqad nila (Rafidah) in Wilayah labi awla dayng ha karukun-rukunan sin Islam.

Kiyariwayat hi Al-burqi dayng kan Abu Abdillah sabunnal tuud in siya namung: Way hangkatau nakasud ha Agama hi Nabi Ibrahim (ﷺ) malaingkan amura kami (Rafidah) iban sin miyagad kamu', puas dayng kamu in katan manusiya' kapir.

Ha tafsir hi Al-Qum'mi dayng kan Abu Abdullah: sabunnal tuud in siya namung: way nag-aagama sin Agama Islam dugaing dayng kamu', ampa in dugaing dayng kamu', in sila kapir sampay pa adlaw Kiyamat. 42



<sup>&</sup>lt;sup>42</sup>- Badthlol Majhood fe mushabahat Al-rafidah lil Yahud kan Abdullah Al-Jumaylie 2/559,568

### ما عقيدة الرافضة في الأئمة؟

### Unu in Aqeeda sin Rafidah ha tungud sin Kaimaman?

In pamaratsaya sin Rafidah in manga kaimaman nila malayu' tuud dayng ha kalawngan iban dayng ha dusa iban sabunnal tuud kiya-iingatan nila in ga-ib. Bayta' hi al-Kulaini ha kitab niya *Usool al-Kafi*: "Laung hi Al-Imam Ja'afar As-Sadiq: kami in bubutangan, tataw-an sin ilmu' sin Allah (ﷺ), kami in magtatafsir sin parkala' sin Allah (ﷺ), in kami malayu' dayng hakalawngan iban dayng ha dusa. In pardaakan sin Tuhan subay kami in pagtaatan iban piyanglangan in sumulang kamu', kami in Hujjah kawasa, kiyumkuman (authoritative source) sin Allahu Ta'ala ha pitung lapis langit iban lupa')).

In papanaw hi Al-Kulaini ha kitab niya *Al-Kafi* ha bab (*sabunnal tuud in kaimaman bang nila kabayaan ingatun, tantu kaingatan nila*). dayng kan Ja'afar sabunnal tuud namung siya: ((sabunnal tuud in Imam bang siya mabaya' umingat, kaingatan niya. Iban in kaimaman kaingatan nila bang ku'nu sila mapatay, iban sabunnal tuud in sila di' magkamatay malaingkan labay ha kabayaan nila )).<sup>44</sup>

Iban bayta' hi Khomieni ha kitab niya *Tahreer al-Waseela* laung niya: "Sabunnal tuud awn sarayaw-rayaw maqam sin Imam iban darajat sataas-taas iban pagnakura' limaya (mampunyahi kawasa) patikupu' magad ha babaan niya iban sakup niya in katan manahut, maaslag ha dunya". Iban laung pa niya: "Sabunnal tuud in kami – Madzhab 12 Imam- dihilan kami sin Allah (ﷺ) kahalan wala' kiyarihil ha Malaikat masuuk pa Allah (ﷺ) iban pa Nabi naraak sin Allah (ﷺ)"

Gammayan miyabut in Rafidah pa kahalan amuin nakalandu' tuud in pamudji nila ha kaimaman nila sambil piyalabi nila dayng ha katan

<sup>&</sup>lt;sup>43</sup> - Usool Al-Kafi 1/165.

<sup>&</sup>lt;sup>44</sup> - Usoul Al-kafi 1/258.

<sup>&</sup>lt;sup>45</sup> - Tahreer Al-waseelah page 52 iban 94.

kanabihan (عليه السلام) puas sin Muhammad (ها!! sabunnal tuud bayta' hi Al-Majlisi ha kitab niya *Mir-aat al- Uqool*: "Iban sabunnal tuud in kaimaman labi apdal iban labi mulliya dayng ha katan kanabihan puas sin Nabi Muhammad (ها)". 46

Wala' pa timubtub in pamudji sin Rafidah ha kaimaman nila ha jajangkaan ini, Sa' naghimumungan pa sila: "In kaimaman awn pagnakura' limaya ha katan piyapanjari. Bayta' hi al-Kho'ie ha kitab niya *Misbah al-Faqaahah'* laung niya: Matampal way pagduwa-ruwa in sila kaimaman awn pagnakura' (pag-agi) nila ha katan piyapanjari biya' na sin kiyabayta' ha suysuy, sabab in kaawnan nila – kaimaman – sila in suluhan (sababan) sin pagpapanjari ha Makhluk, sila in sabab sin pagpapanjari ha katan, bang bukun sabab nila di' papanjarihun in katan manusiya', sabunnal tuud hangkan piyapanjari in manusiya' karna' sin kaimaman iban halaum kalimaya nila in kaawn sin manusiya'; iban sila in suluhan bukun hat yadtu sampay awn kalimaya nila magpapanjari dugaing dayng sin kalimaya sin Tuhan nagpapanjari, in pagbaya' nila ini biya' sin pagbaya' sin Allahu Ta'ala ha katan piyapanjari)). 47

Magpatilibun kitaniyu pa Allahu Ta'ala dayng ha kalaungan ini!! Biya' diin in kahinang sin kaimaman sila in nahinang sabab iban dan sin pagpapanjari ha katan?! Iban karna' nila piyapanjari in manusiya'? In Allahu Ta'ala nagpalman halaum Qur'an:

"Wala' Ku piyapanjari in Manusiya' iban Jinn malaingkan magtag-ipun sila Kaku'." (Surah Adh-dhaariyaat: 56).

Magpatilibun kitaniyu dayng ha pamaratsaya lawng iban simiha' dayng ha Qur'an iban ha Hadith Mulliya.

 $<sup>^{46}</sup>$  - Mir-aat al-Uqool fe sharh akhbaar aalir rasul kan al-Majlisi  $^{2/290}$ 

<sup>&</sup>lt;sup>47</sup> - Misbah al-Faqahah kan Abul Qasim Al-kho'ie 5/33

Laung hi Sheikhul Islam Ibn Taymiyyah (رحمالله ): "In pamaratsaya sin Rafidah in Agama Islam iyagsu' atawa tiyukbal pa manga [Ahbaar] kaulamaan, [Ruhbaan] kaparian, na' in halal amuna in hiyalal nila iban in haram amuna in hiyaram nila, iban in Agama amuna in Shiyara' (biyaktul) nila" 48

O kaw taymanghud ku.! Bang kaw mabaya' kakitaan mu in kakupuran, kashirikan nila iban pagpalabi nila sin pamudji kan Ali (🏇) – magpatilibun kitaniyu pa Allah – bassaha in tarasul/daman ini amuin himumungan sin Sheikh nila hi Ibrahim al-'Aa-mili ha tungud panangliti niya kan Ali bin Abi Talib (🏇):

وعنوان قدرته السامية

أبا الحسن أنت عين الإله

O Abal Hasan (Ali ibn Abi Talib) ikaw in mata sin Tuhan Iban tanda' pangilahan sin kudrat niya sataas-taas.

فهل تعزب عنك من خافية

وأنت المحيط بعلم الغيوب

Iban sakup mu in ilmu' gha-ib nakatatapuk Unu makatapuk baha' kaymu in nakatatapuk?

ولك أبحار ها السامية

وأنت مدير رحى الكائنات

Iban ikaw in makapagbaya' mag-amulahi ha katan piyapanjari Iban kaymu in panghati sataas-taas ha manga piyapanjari.

وإن شئت تسفع بالناصية

لك الأمر إن شئت تحيى غدا

Kaymu in pagbaya', bang mu kabayaan buhiun pa kunsum Iban bang mu kabayaan putiun in duhul buhuk.

Laung pa hi Ali ibn Sulaiman Al-Mazidi ha waktu niya piyudji in Ali ibn Abi Talib (﴿):

وجنب الإله ونفس الرسول

أبا حسن أنت زوج البتول

O Abal Hasan, ikaw in bana sin sasutsi-sutsi baba-i Iban abay sin Tuhan iban ikaw in nyawa sin Rasul.

<sup>&</sup>lt;sup>48</sup> - Minhaj as-Sunnah kan Ibn Taimiyya 1/482

ومملوك رب وأنت الملك

وبدر الكمال وشمس العقول

Ikaw in bulan damlag sin kasampurna' iban suga (sahaya) sin akkal Iban kiyapagmilikan sin Tuhan iban ikaw in sultan.

ونص عليك بأمر الغدير

دعاك النبي بيوم الكدير

Tiyawag kaw sin Nabi ha adlaw halubilu Iban biyayta' niya kaymu in pagnakura' ha al-Ghadeer.

وعقد ولايته قلتدك

لأنك للمؤمنين الأمير

Sabunnal tuud ikaw in nakura sin manga Mu'min Iban in pagnakura' tiyukbal kaymu.

وأنت العليم بذات الصدور

إليك تصير جميع الأمور

In katan parakala' magbalik da mawn kaymu Iban ikaw in labi makaingat sin halaum pangatayan.

وحكم القيامة بالنص لك

وأنت المبعثر ما في القبور

Iban ikaw in magbuhi sin manusiya dayng halaum kubur nila Iban in panghukum ha adlaw kiyamat kiyalimpal na kaymu.

وأنت على كل شيء قدير

وأنت السميع وأنت البصير

Iban ikaw in tubus makarungug iban tubus Makita' Iban ikaw in makagaus ha katan unu-unu parakala'.

ولا دار لولا ولاك الفلك

ولولاك ما كان نجم يسير

Bang bukun sabab mu wayruun bituun humibal Iban bang bukun sabab mu di' lumigut in katan ha taas aayan.

و أنت المكلم أهل الرقيم

وانت بكل البرايا عليم

Iban ikaw in labi makahati sin katan piyapanjari Iban ikaw in namissara ha Lawhil Mahfuj.

كليما فسبحان من كوَّنك

ولولاك ما كان موسى الكليم

Iban bang bukun ikaw di' dahun magbissara sin Tuhan hi Musa Sin sampurna' bissara, Mahasutsi Maha assa in nagpapajanri kaymu. فحبك كالشمس فوق الجبين

سترى سر اسمك في العالمين

Kakitaan mura in rahasiya' sin ngan mu ha katan Aa-lam In kasi kaymu biya' mata suga ha tuktuk.

كقير فلا من فاز من أبغضك

و بغضك في أوجه المبغضين

In astul kaymu ha pamayhuan sin manga kaaastulan Biya' sin tiluh. Di' malappas hisiyu-siyu in madugal kaymu.

وما الأنبياء وما المرسلون

فمن ذاك كان و من ذا يكون

Nah hisiyu in nakauna iban hisiyu in susungun Iban hisiyu in kanabihan iban hisiyu in karasulan.

وكل عبيد مماليك لك

وما القلم اللوح ما العالمون

Iban unu in Qalam iban Lawhil Mahfuj iban sin katan piyapanjari In katan yan iypun mu kiyapagmimilikan mu.

وكهف الطريد ومأوى الوفود

أبا حسن يا مدير الوجود

O Abal Hasan (Ali), O kaw makapagbaya' sin piyapanjari Ikaw in uuwian sin paguy iban daratungan sin bisita.

ومنكر في البعث من أنكرك

و مسقي محبيك يوم الورود

Iban ikaw in magpa-inum ha makasi kaymu ha adlaw Kiyamat Iban in nagmungkil ha adlaw pagbuhi' ha hisiyu-siyu in nagmungkil kaymu.

والأوك لي في ضريحي منار

أبا حسن يا على الفخار

O Abal Hasan, O Ali babansagun. In kasi mu kaku' ha kubur ku simisi'nag.

وحبك لي مُدخلي جنتك

واسمك لى في المضيق الشعار

In ngan mu yari kaku' bang ha kasigpitan mahinang ku tanda' alamat Iban in kasi mu kaku' hikasud ku pa Surga' mu.

Na', in daman ini hikapamung baha' sin Muslim nag-aagama sin Agama Islam?! Sapahan ku ibut pa Allahu Ta'ala misan in tau ha waktu kajahilan

wala' nakahinang sin kasirikan bihaini iban kakupuran iban kalandu' sin pagpudji biya' sin nahinang sin hambuuk Rafidah ini.



### ما عقيدة الرجعة التي تؤمن بها الرافضة؟

### Unu in Aqeedah ar-Raj'ah amuin piyaparatsaya sin Rafidah?

Naghinang in manga Rafidah pamaratsaya ba'gu pagtawagun *ar-Raj'ah*, Namung hi Al-Mofeed: "Kiyapagmawpakkatan sin kaimaman sin wajib magbalik mabuhi' pa dunya ini in kamatauran sin manga nagkamatay" <sup>49</sup>. Amuna in tumindug mabuhi' magbalik pa dunya ini in kahinapusan Imam nila pagtawagun hi *Al-Qaa'im* ha huling jaman, gumuwa' dayng ha lungag (tunnel) ampa niya sumbay-un in katan kuntara niya (manga kanakuraan) ampa niya hibalik in manga kapatut sin Shi'ah amuin iyagaw sin tumpukan kaibanan ha ibuhan tahun na limabay.<sup>50</sup>

Naghimumungan hi As-Sayyid Al-Mortada ha kitab niya *Al-Masail an-Naasiriyyah*: Sabunnal tuud hi Abubakar iban hi Umar (﴿ bitaran sila ha kahuy ha waktu mabut in jaman sin Al-Mahdi — amuin Imam nila hikahangpu' tagduwa — pagtawagun nila (قَامُ مَا اللهُ الل

Naghimumungan hi Al-Majlisi ha kitab niya *Haq al-Yaqeen* dayng kan Muhammad Al-Baqir: "Apabila gumuwa' na in Al-Mahdi buhiun niya hi A-ishah (Ummul Mu'minin) ubus ampa niya ladjamun). <sup>52</sup>

Pag-ubus ampa naisab limuag in ma'ana sin *ar-Raj'ah* ha pamaham nila. Laung nila: mabuhi' magbalik pa dunya ini in katan Shi'ah iban sin kaimaman nila iban sin katan kuntara nila sarta' iban na sin kanakuraan daisab nila. Na', in Aqeedah karupangan atawa kan bingkuk ini nagpatampal tuud sin bungsi nila nakatatapuk halaum pangatayan nila.

<sup>&</sup>lt;sup>49</sup>- Awa-il Al-maqaalat kan Mufeed page 51

<sup>&</sup>lt;sup>50</sup>- Al-khutoot Al-'areedah page 80

<sup>51 -</sup> Awa-il Al-maqaalat kan Mufeed page 95

<sup>&</sup>lt;sup>52</sup>- Haqqul Yaqeen page 347

Iban in kaawnan sin pamaratsaya ini nahinang dan biyaugbugan sin *Sabaiyyah* ha pagmungkil nila sin adlaw Kiyamat.

Dayng ha manga maksud sin *ar-Raj'ah* amuna in pagpawli ha kuntara sin Shi'ah, Na' pangasubu: hisiyu ta in kuntura sin Shi'a?!

O kaw taymanghud ku Muslim.! in bayta' ini nagpatarrang kaymu sin bungsi iban kutti' / dugal sin Rafidah ha Ahlus Sunnah iban lasa nila pa Yahudi iban pa manga Kristiyan. Sabunnal tuud siyabbut hi Al-Majlisi ha kitab niya Bihaar al-Anwar dayng kan Abu Basir laung niya bayta' dayng kan Abdullah (ﷺ) laung niya kaku': O Abu Muhammad sabunnal tuud biya' kura sin kikita' kita' in pagnaug hi Al-Qaa'im ( القائم ) ha Masjid As-Sahlah iban sin ahli niya...sampay pa kabtangan niya... Laung ku: hisiyu in bistahun niya Ahli al-Dhimma (Kristiyan iban Yahudi)? Laung niya: sulutun niya in manga (Kristiyan iban Yahudi) biya' sin pagsulut sin Rasul (ﷺ) kanila iban sin Ahli niya. Magbayad sila Jizyah (head tax) ha kahalan in sila halaum kahinaan. Laung ku: na' hisiyu in marugal amuin kimuntara kaniyu? Na' laung niya: hisiyu-siyu in simulang ha pamarinta natu', sabunnal tuud hivalal na sin Allahu Ta'ala katu' in dugu' nila ha waktu gumuwa' na hi Al-Qaa'im, ha bihayaun hiyaram pa katu' taniyu, ayaw kaw mahaylan kan siyu-siyu, Na' apabila gumuwa' na in Al-Qaa'im natu' pamawli na kaw ha karna' sin Allahu Ta'ala iban Rasul niya iban ha karna' natu' katan <sup>53</sup>

Tali-a iban dung-dungi kunu' O kaw taymanghud ku Muslim in hal sin Al-Mahdi pag-iyanun sin Shi'ah, sulutun niya in Yahudi iban sin Nasara (kristiyan) ubus bunuun niya in hisiyu-siyu in sumulang kaniya amuin manga Ahlus Sunnah. Sumagawa' kalu mamung in mamumung: "In banda' yan ha hisiyu-siyu in marugal, kumuntara ha Ahlul bayt. Ampa in Ahlus Sunnah way sila kimuntara ha Ahlul bayt, Na' ha damikkiyan yadtu bukun sila lamud sin banda' yan amuin halalun in dugu' nila hi Al-Mahdi". In jawab ha ini: "Mataud riwayat bayta' sin manga Rafidah in maksud sin (الناصية) nanguntara kanila amuna na in Ahlus Sunnah.

<sup>&</sup>lt;sup>53</sup>- Bihaar Al-Anwar 52/ 376

Bang kaw mabaya' pa umingat sin manga parakala' ini ukaba in kitab *Al-Mahaasin an-Nafsaaniyyah* kan Husain Aal Asfoor Ad-Darazi al-Bahrani, iban ha kitab *ash-Shehab ath-Thaqib fe bayan ma'ana an-Naasib* kan Yousef Al-Bahrani.



### ما عقيدة التقية عند الرافضة ؟

### Unu in Aqeedah at-Tuqyah ha pamaratsaya sin Rafidah?

In at-Taqiyyah (at-Tuqyah) miya'nahan sin hambuuk Aalim nila ha masa bihayaun laung niya: in "At-Taqiyyah" amuna in mamung kaw atawa kan huminang kaw dugaing dayng sin I'tiqad mu, karna' pagtaming mu sin kangian pa baran mu atawa kan hasupaya hikatulak mu in kangian, ha di' kaw mapiligru iban sin alta' mu atawa kan hasupaya maparihala' mu in kamulliyahan mu". Ha daawa nila in ini nahinang kunu' sin Rasul (ﷺ) ha waktu kamatay kan Abdullah Ibn Ubay Ibn Salool (رأس المنافقين) nakura' sin katan Munapik ha waktu miyadtu in Rasul (ﷺ) karna' sambahayangun niya. Na' laung hi Umar (ﷺ): bukun ka piyanglangan kaymu sin Allahu Ta'ala in parakala' yan? hatiniya in sambahayangun mu in munapik yan, siyambungan siya sin Rasul (ﷺ): Mayta' kaingatan mu in biyatbat ku? Sabunnal tuud in biyatbat ku "Ya Allah hipua in gawung-gang niya sin kayu iban hipua in kubur niya sin kayu iban sin inasil niya.

Kitaa kunu' taymanghud ku Muslim.! bang biya' diin in kakahinang nila, tiyuhuma nila nagputing in Rasul (ﷺ)!! unu matayma' baha' sin akkal in manga sahabat sin Rasul (ؓ) in duwa'a nila ha bang mayan siya kaulungan sin Allahu Ta'ala ubus in Rasul (ؓ) baing ulungun mangla'nat kaniya??!

Bayta' hi Al-Kulaini ha kitab niya *Usool al-Kafi* "Laung hi Abu Abdullah: O Abu Umar sabunnal tuud in hangkabahagi' dayng ha hangpu' sin Agama Islam nakabutang siya ha At-Taqiyyah, way Agama in hisiyusiyu in way At-Taqiyyah niya, in At-Taqiyyah subay pakayun ha katan parakala' malaingkan bang ha alak iban pagsapu ha khuffayn (kalsitin iban sapatos).

<sup>&</sup>lt;sup>54</sup> - As-Shi'ah fil Mizaan kan Muhhammad Jawad Mugniyah page 47

<sup>&</sup>lt;sup>55</sup> - Foroo' Al-kafi (kitab Al-Janaiz) page 188

Bayta' pa hi Al-Kulaini dayng kan Abu abdullah laung niya: "Halli-i niyu in Agama niyu iban tamingi niyu siya sin At-Taqiyyah, sabunnal tuud way pag-iyman sin hisiyu-siyu in way At-Taqiyyah niya )). 56

Miyabut pa in kahalan sin Rafidah sampay pa jiyari nila in pagsapa pa dugaing dayng ha Allahu Ta'ala karna' pag-usal sadja sin At-Taqiyyah.

#### "Magpatilibun kitaniyu pa Allah (ﷺ) dayng ha kalawngan ini!!

Nasabbut hi Al-Hurr al-Aamilie ha kitab niya Wasa'il ash-Shi'ah dayng kan Abu bukair, dayng kan Zuraarah dayng kan Abu Ja'afar (ﷺ) namung siya: Laung ku kaniya: in kami maglabay ha tumpukan ini, pasapahun nila kami bang namu' kiyatunay ra in Zakat sin alta' namu' ampa kiyatunay namu' na in zakat niya. Laung niya: Ya Zuraarah! Bang kaw mahanggaw sapa kaw kanila ha unu-unu na in kabayaan nila. Laung ku: hipag-ayu' ku in baran ku kaymu, Unu sapahan ku ha ngan sin Talaq iban pagmahaldika' ha iypun? Laung niya; huun..! agara diin-diin in kabayaan nila!.

Bayta' dayng kan Sama'a dayng kan Abu Abdullah laung niya: "Bang sumapa in hangkatau karna' (Taqiyyah ) pagtapuk niya hasupaya siya di' magmula na' di' yan hikamudarat kaniya apabila nalugus))<sup>57</sup>

In pangatud sin Rafidah, in At-Taqiyyah pardu' karna' di' umuntayaw in Madzhab bang bukun sabab niya. Tiyayma' nila naglatun-latun in panghindu' (Usul niya) sibu' da lahil iban batin, iban pag pakayun nila ini labi bang sila kasigpitan.

Ibut halli' iban anib kamu tuud dayng ha manga Rafidah O manga bangsa Muslimin..!!!



<sup>&</sup>lt;sup>56</sup> - Usool Al-Kafi page 482-483

<sup>&</sup>lt;sup>57</sup>- Wasail Ash-shi'ah 16/136-137

### ما عقيدة الطينة التي يؤمن بها الرافضة؟

### Unu in Aqeedah ha lupa' amuin piyaparatsaya sin Rafidah?

In maksud sin lupa' tampat ha panghati sin Rafidah amuna in lupa' kubur sin Al-Husain (﴿). Bayta' sin hambuuk manglalaung dayng kanila pag-nganan hi Muhammmad An-Nu'man Al-Harithi in danglay niya Ash-Shiekh Al-Mufeed ha kitab niya Al-Mazaar bayta' dayng kan Abu Abdullah laung niya: "Ha lupa' tampat kubur hi Al-Husain awn ubat sin katan sakit, siya na in ubat salaggu'-laggu' ".Iban laung hi Abdullah: "Pakinama niyu in kaanakan niyu (waktu pag-gunting (Akika) kaniya) sin lupa' tampat kubur hi Al-Husain".

Iban laung pa niya: piyara kan Abul Hassan Ar-Rida dayng ha Khurasan (hambuuk hula' ha Iran) in hambuuk pamusut tamungun iban in halaum sin pamusut yaun awn lupa'. Iyasubu in nagda sin pamusut yaun: "Unu ini? laung niya: lupa' dayng ha tampat kubur sin Al-Husain. Way hinang niya bang bukun piyahiran katan in tamungun sin lupa' yaun iban pamung niya: "Halaum parihala' bang magdul in Allahu Ta'ala".

Awn hambuuk usug nangasubu kan As-Sadiq ha tungud sin pagkaun niya sin lupa' ha kubur sin Al-Husain, na' laung niya ha nangasubu: bang kaw kumaun, pagduwaa kaw: "Ya Allah sabunnal tuud pangayuun ku kaymu ha kapatut sin Malaikat amuin halaum lima niya, iban ha kapatut sin Nabi amuin nagtatawu' kaniya, iban hakapatut sin pamin amuin duun kaniya, salawat pa Nabi Muhammad iban pa kaluwarga' sin Muhammad, in hinangun mu siya ubat sin katan sakit iban salamat ha kabubugaan iban pamarihala' dayng ha katan kangi'an".

Naasubu hi Abu Abdullah ha tungud pagpakay sin duwa lupa', Lupa' tampat kubur hi Hamza iban hi Al-Husain iban kansiyu in labi apdal iban labi marayaw. Na' laung niya: "In tasbi amuin hiynang dayng ha lupa' hi

Al-Husain tumasbi baran-baran niya ha laum lima misan di' na hipagpanasbi". 58

Damikkiyan in pamaratsaya sin Rafidah, in manga shi'ah piyapanjari dayng ha lupa' tartantu (sarayaw-rayaw lupa') ampa in Sunni (amuin dayng ha tumpukan sin Ahlus Sunnah wal Jama'ah) piyapanjari dayng ha lupa' dugaing (lupa' sangi'-ngi'). Naawn in paglamud iban paglamugay ha duwa lupa' ini, na' unu-unu in mahinang sin shi'ah ma'siyat iban kangian, in yan sabab sin kiyalamuran siya sin lupa' sin Sunni ha waktu pagpapanjari kaniya. Nalamin siya sin kangian sin Sunni. Unu-unu isab mahinang sin Sunni karayawan, in yan sabab sin kiyalamuran siya sin lupa' sin Shi'ah ha waktu pagpapanjari kaniya. Nalamin siya sin karayawan. Na' apabila ha adlaw Kiyamat na in katan kangian iban dusa nahinang sin Shi'ah hikadtu pa Ahlus Sunnah iban in katan karayawan nahinang sin Ahlus Sunnah hirihil pa Shi'ah.<sup>59</sup>



<sup>&</sup>lt;sup>58</sup>- Kitab Al-Mazaar page: 125

<sup>&</sup>lt;sup>59</sup>- Kitab 'Elal Ash-Sharaa'i' page: 490 – 491, iban Kitab Bahaar Al-Anwaar 5/247 - 248

### ما عقيدة الرافضة في أهل السنة

### Unu in Aqeedah sin Rafidah ha Ahlus Sunnah?

Timindug in Aqeedah sin Rafidah ha pangharus nila kumawa' sin pangalta' iban pagpatuw' dugu' sin Ahlus Sunnah. Kiyariwayat hi As-Sadooq ha kitab *Al-'Elal* in sanad madtu kan Dawud Ibn Farqad naghimumungan siya: "Laung ku kan Abu Abdullah: "Unu in pangatud mu ha **An-Naasibi**? – (in maksud niya Ahlus Sunnah) – laung niya: Halal in dugu' hasupaya kaw mapalayu' ku dayng hakangian nila iban maparihala' takaw. Bang mu kagausan ligaran mu siya sin ad (larang) atawa kan kagausan mu lumusun siya ha laud hasupaya way makasaksi' kaymu, na' hinanga. Laung ku: "Biya' diin in alta' niya? Laung niya: "kawaa diin-diin in kagausan mu.

Iban in pangatud sin Rafidah in manga anak nila sutsi dayng ha kaibanan bata' bata'. Siyabbut hi Hashim Al-Bahrani ha Tafsir niya *Al-Burhan* dayng kan Maitham Ibn Yahya bayta' dayng kan Ja'afar Ibn Muhammad laung niya: "Way bata' bata' hipag anak malaingkan humadir duun in Iblis. Na' bang niya kaingatan in bata' yaun dayng ha tumpukan natu' (Shi'ah), Na' maguy in Shaitan dayng kaniya. Sa' bang bukun dayng ha tumpukan natu' (Shi'ah) hisuplu' sin Shaitan in tudlu' niya ha jubul sin bata'-bata' na' in guwa' niya mahinang siya jujubulun (tabiya' dakuman). Na' bang babai in bata' bata' hisuplu' sin Shaitan in tudlu' niya ha awrat/alupan sin bata' bata', na' in guwa' niya mahinang siya babai mangi' (magjijina). Ha sabab yadtu in bata' bata' tumangis makusug bang siya gumuwa' na ha pakandangan hi Ina' niya.

Biylang pa sin Rafidah in manusiya' katan anak jina (halambiyara' ) malaingkan amura in sila manga shi'ah!! in yan biyayta' hi Al-Kulaini ha kitab niya *Ar-Rawda minal Kafi* bayta' dayng kan Abu Hamza dayng kan

<sup>&</sup>lt;sup>60</sup> - Al-Mahaasin An-Nafsaniyyah page; 166

<sup>&</sup>lt;sup>61</sup>- Tafsir Al-Burhan kan Hashim Al-Bahrani ( 2/300 )

Abu Ja'afar () laung niya: "Laung ku kaniya, in kaibanan panaiban taniyu pitnahan nila iban tiyuhuma nila (manga anak jina) in simusulang kanila (hatiniya manga Ahlus Sunnah). In sambung niya kaku', in humundung na sadja labi marayaw, mahuli ampa siya namung: sapahan ku ibut pa Allah! O Abu Hamza sabunnal tuud in katan manusiya' anak halambiyara' malaingkan amura in Shi'ah in bukun )).

In pangatud pa sin Shi'ah in kakupulan sin Ahlus Sunnah labi pa dayng sin kakupulan sin Yahudi iban Nasara (Kristiyan). Sabab sabunnal tuud in sila (Yahudi iban Nasara) ha pangatud nila kupul kariasali, adapun in manga Ahlus Sunnah manga kapir murtad. Ha kiyapag-ittipakan in murtad labi mabu'gat in dusa niya, dayng ha sabab yan tumabang pa sila ha Yahudi iban Nasara mamunu' ha manga Muslim biya' na sin kiyasaksian (sin salasila) dayng namayan ha nakauna sampay pa bihayaun. 63

Bayta' ha kitab *Wasaa'il ash-Shi'ah* dayng kan Al-Fudayl bin Yasar laung niya: "Iyasubu ku hi Abu Ja'far ha pasal sin babai Rafidah: unu makajari ku siya hipapa asawa ha "an-Naasibi" usug Ahlus sunnah? laung niya: di', sabab in Ahlus Sunnah kapir )). <sup>64</sup>

In Nawasib, bang ha Ahlus sunnah sila na in manga mabungsi ha Ali Ibn Abi Talib (﴿), sumagawa' in manga Shi'ah ngiyanan nila in Ahlus Sunnah Nawasib. Sabab in manga Ahlus Sunnah piyauna nila in pagnakura' (pagkhalipa) hi Abubakar, Umar iban hi Uthman dayng kan Ali Ibn Abi Talib. Ampa in parakala' ini jimajatu na ha masa sin Rasulullah (﴿). In dalil niya himumungan hi Ibnu Umar (﴿): "In kaawnan namu' piyapagpi' kami ha antara sin manusiya' ha jaman sin Rasul (﴿), na' pini' namu' hi Abubakar mahuli ampa hi Umar mahuli ampa hi Uthman". (Riwayat hi Imam Al-bukhari). Giyanapan hi at-Tabaraani ha kitab (Al-Kabeer): "Na' miyabut in parakala' madtu pa Rasul (﴿) wala' siya

<sup>&</sup>lt;sup>62</sup>- Ar-Rawda minal Kafi kan Al-Kulaini ( 8/285 )

<sup>&</sup>lt;sup>63</sup>- Laung hi Shiekhul Islam Ibnu Taymiyyah: "Sabunnal tuud in Rafidah giyapian nila in Tatar ha waktu biyunu' nila in hula' Islam. Al-fatawa (35/151). Bassaha in kitab: (Kaifa dakhala At-Tatar biladal Muslimin) kan Doctor Sulayman bin Hamad Al- Uoda.

<sup>&</sup>lt;sup>64</sup>- Wasaa'il Ash-Shi'ah kan Al-Hurr Al-Amili (7/431), iban ha kitab At-tahdheeb (7/303).

nagmungkil". *Iban riwayat hi Ibnu Asakir:* "In kaawnan namu' piyalabi namu' hi Abubakar ampa hi Umar ampa hi Uthman ampa hi Ali ".

Riwayat hi Imam Ahmad iban dugaing pa dayng kaniya dayng kan Ali Ibn Abi Talib sabunnal tuud in siya naghimumungan: "In sarayaw-rayaw tau ha ummat ini puas sin Rasul (ﷺ) amuna hi Abubakar ampa hi Umar, bang ku kabayaan tartantu nganan ku pa bang hisiyu in hikatuw".

Laung hi Imam Adh-Dhahabi: in Hadith ini mutawatir ( hatiniya; mataud in nagriwayat ).  $^{65}$ 



<sup>&</sup>lt;sup>65</sup>- At-Ta'leeqat ala matni lum'atil I'tiqad kan Shiekh Abdullah Al-Jibrin pg 91

### ما عقيدة الرافضة في المتعة؟ وما فضلها عندهم؟

# Unu in Aqeedah sin Rafidah ha tungud sin Mut'ah? iban unu in kalabbiyan niya kanila?

In mut'ah dakula' in kalabbiyan niya ha manga Shi'ah Rafidah — magpatilibun kitaniyu pa Allah - Bayta' ha kitab *Manhaj As-Saadiqeen* kan Fathullah Al-Kaashaani dayng kan As-Saadiq: Sabunnal tuud in Mut'ah dayng ha agama ku iban agama sin kamaasan ku, na' hisiyu-siyu in huminang kaniya, tantu biyawgbugan niya in agama namu' iban hisiyu siyu in magmungkil kaniya, tantu nagmungkil siya ha agama namu'. In kama'tunan niya in siya wala' nag agama sin agama namu'. In anak Mut'ah labi apdal dayng sin anak ha asawa salama-lama, in magmunkil ha Mut'ah kapir murtad. 66

Bayta' hi Al-Qummi ha kitab *Man la yahduruhul faqeeh* dayng kan Abdullah Ibn Sinan dayng kan Abu Abdullah laung niya: "Sabunnal tuud in Allahu Ta'ala hiyaram niya ha tumpukan namu' (Shi'ah) in katan iinuman makahilu ubus giyanti'an niya sin Mut'ah))<sup>67</sup>

Bayta' ha *Tafser Manhaj As-Sadiqeen* kan Mulla Fathullah Al-Kaashaani: "Nagsabda (kunu') in Rasul (ﷺ): "Hisiyu-siyu in mag-asawa Mut'ah makaminsan miyahaldika' niya dayng ha Narka' in hangkabahagi' dayng ha tuw (1/3) sin baran niya, iban hisiyu-siyu in mag-asawa Mut'ah makaruwa miyahaldika' niya dayng ha Narka' in duwangkabahagi' dayng ha tuw (2/3) sin baran niya, iban hisiyu-siyu in mag-asawa Mut'ah makatuw miyahaldika' niya in katan ginhawa baran niya dayng ha Narka'".

Pahati: In Hadith ini hinang-hinang sin Shi'ah.

<sup>&</sup>lt;sup>66</sup>- Manhaj As-Sadiqeen 2/495

<sup>&</sup>lt;sup>67</sup>- Man la yahduruhul Faqeeh page 330.

Bayta' pa ha kitab yaun: "Nagsabda (kunu') in Rasul (ﷺ): "Hisiyusiyu in mag-asawa Mut'ah makaminsan lappas siya dayng ha mulka' sin Tuhan Jabbar, hisiyu siyu in mag-asawa Mut'ah makaduwa magbunyug sila iban sin manga tau mulliya, hisiyu siyu in mag-asawa Mut'ah makatuw siya in lundang panun ku halaum Surga'.

Bayta' pa ha kitab yaun: "Nagsabda (kunu') in Nabi Muhammad (ﷺ) Hisiyu siyu in mag-asawa Mut'ah makaminsan in kaawnan niya biya' sin darajat hi Al-Husain, hisiyu-siyu in mag-asawa Mut'ah makaruwa in darajat niya biya' sin darajat hi Al-Hasan, hisiyu-siyu in mag-asawa Mut'ah makatuw in kaawnan niya biya' darajat hi Ali Ibn Abi Talib, iban hisiyu-siyu in mag-asawa Mut'ah maka-upat in darajat niya biya' sin darajat ku".

Pahati: In Hadith ini hinang-hinang sin manga Shi'ah.

In Rafidah wala' nila biyutangan Sharat in taud sin pag-asawa Mut'ah. Bayta' ha kitab *Furoo' Al-Kaafi* iban ha kitab *At-Tahdheeb* iban ha kitab *Al-Istibsar* dayng kan Zurara dayng kan Abu Abdullah agi niya: "Siyabbut ku kaniya in Mut'ah, unu tubtub sadja ha maka-upat? Laung niya: pag-asawa na kaw dayng ha manga pihak babai hang-ibu, sabunnal tuud in sila (kababaihan) babayaran da". Iban bayta' dayng kan Muhammad Ibn Muslim dayng kan Abu Ja'afar sabunnal tuud in siya naghimumungan ha tungud sin Mut'ah laung niya: bukun tumubtub ha upat sadja, sabab in siya (babai) bukun siya hibubugit iban di' siya makawaris alta' sagawa' in siya babayaran (babai-puwta)).

Na'! biya' diin yan!! Sabunnal tuud in Allahu Ta'ala nagpalman ha kitab niya Mahamulliya ha Surah Al-Mu'minun ayat 5-7:

<sup>&</sup>lt;sup>68</sup>- Tafser Manhaj As-sadiqeen 2/492-493

<sup>&</sup>lt;sup>69</sup>- Al-Foroo' minal kafi 5/451, kitab At-Tahdheeb 2/188.

"Iban (in manga bunnal bar-iyman) sila na in piyaparihala' nila in awrat nila dayng ha haram, iban piyupu'pu' nila in hawa napsu nila ha makahinang kaniya malaingkan ha kaasawahan nila iban ha manga kababaihan nabihag nila ha pagbunuan, na' sabunnal tuud in sila di' magdusa. Iban hisiyu-siyu in huminang puas ha kaasawahan nila iban ha nasaggaw nila ha pagbunuan, sila na yadtu in nangliyu lakad ha Shara' sin Allahu Ta'ala"

Matarrang ha palman sin Allahu Ta'ala in jiyari suukan amura in asawa (dayng ha nikah sahih) iban sin babai bihag, ampa in dugaing dayng hayan hiyaram na sin Allahu Ta'ala. In babai miyut-ahan in siya babayaran, in siya bukun bunnal asawa iban di' siya makawaris pusaka' iban bukun hibubugit, hatiniya; in siya babai mangi' (magjijina) magpatilibun kita pa Allahu Ta'ala.

Laung hi Shiekh Abdullah Ibn Jibrin: "Piyagdalil sin Rafidah in ayat ha Surah An-Nisa' (ayat 24) sin jiyari sin Agama Islam in magmut'ah ha palman sin Allahu Ta'ala:

\* وَٱلْمُحْصَنَاتُ مِنَ ٱلنِّسَآءِ إِلَّا مَا مَلَكَتْ أَيْمَنُكُمْ تَكِتَبَ ٱللَّهِ عَلَيْكُمْ وَأُجِلَّ لَكُم مَّا وَرَآءَ ذَالِكُمْ أَن تَبْتَغُواْ بِأَمْوَالِكُم تُحْصِنِينَ غَيْرَ مُسَافِحِينَ فَمَا ٱسْتَمْتَعْتُم بِهِ مِنْهُنَّ فَعَاتُوهُنَّ ذَالِكُمْ أَن تَبْتَغُواْ بِأَمْوَالِكُم تُحْصِنِينَ غَيْرَ مُسَافِحِينَ فَمَا ٱسْتَمْتَعْتُم بِهِ مِنْ بَعْدِ ٱلْفَرِيضَةِ أَإِنَّ ٱللَّهَ كَانَ أُجُورَهُنَ فَوْيضَةً وَلَا جُنَاحَ عَلَيْكُمْ فِيمَا تَرَاضَيْتُم بِهِ مِنْ بَعْدِ ٱلْفَرِيضَةِ أَإِنَّ ٱللَّهَ كَانَ عَلِيمًا حَكِيمًا

"Hiyaram kaniyu asawahun in babai taga bana sibu' da Muslim atawa bukun Muslim malaingkan in kababaihan nabihag ha pagbunuan, iban jiyari kaniyu umasawa dugaing dayng ha manga kababaihan amuin hiyaram kaniyu, ha tukbalan niyu sila ungsud dayng ha alta' niyu in manga sila kababaihan amuin hiyalal kaniyu sin Allahu Ta'ala, in pagasawa pagparihala' niyu sin ginhawa baran niyu dayng ha haram, bukun jina. In manga sila naasawa niyu (Istamta'tum) wajib in tukbalan niyu sila ungsud amuin kiyapag-isunan sin kamu, in ungsud wiyajib sin Allahu Ta'ala pa manga kaasawahan, bang nila piyagmalilla' in

kaibanan ungsud nila ha kug iban baya' sin pangatayan nila in yadtu di' kamu makabak dusa in di' niyu na hitukbal in kaibanan ungsud piyagmalilla' nila kaniyu, sabunnal tuud in Allahu Ta'ala labi makahati unu unu in hikarayaw ha iypun niya iban labi makaingat."

In sambung kanila: "In manga ayat manunjuki siya ha pag-asawa tumagna' ha palman sin Allahu Ta'ala

"O kamu manga namamaratsaya way hiyalal kaniyu in warisun niyu in kababaihan" (Surah An-Nisa Ayat: 19) sampay pa palman sin Allahu Ta'ala:

"Bang kamu mabaya' hibugit niyu in asawa niyu umasawa kamu dugaing" (Surah An-Nisa Ayat: 20). Sampay pa palman sin Allahu Ta'ala:

"Ayaw niyu asawaha in asawa sin ama' niyu" (Surah An-Nisa Ayat:22). Sampay pa palman sin Allahu Ta'ala:

"Hiyaram kaniyu (asawahun) in kainaan niyu" (Surah An-Nisa Ayat:23) ubus mayan itung in manga kababaihan amuin hiyaram asawahun, nagpalman in Allahu Ta'ala:

"Hiyalal kaniyu in umasawa kamu dayng ha manga kababaihan puas sin manga nasabbut amuin hiyaram kaniyu" (Surah An-Nisa Ayat:24)

Na', bang niyu sila asawahun karna' pagduyag-duyag sin parasahan amuin kananaman niyu kanila labay dayng hapagwati' halal, na' dihilan

niyu kanila in ungsud amuin wiyajib (suku' nila), bang nila piyagmalilla' in kaibanan ungsud nila ha kug iban baya' sin pangatayan nila in yadtu di' kamu makabak dusa in di' niyu na hitukbal in kaibanan ungsud piyagmalilla' nila kaniyu. Bihayan in pagtafser sin manga sahabat.<sup>70</sup>

Yari in bayta' sin Shiekh sin tumpukan sin Shi'ah hi Al-Toosi ha kitab niya *Tahdheeb Al-Ahkaam* piyanghilummi' niya in pag-asawa Mut'ah iban piyagmasukkal niya. Na' laung niya: "Bang in kaawnan sin babai dayng ha panubu marayaw (lalagguun) sabunnal niya di' siya makajari mut'ahun sabab hikarihil kasipugan ha ahli niya, iban hikababa' kaniya"<sup>71</sup>

Miyabut pa in kahalan sin Rafidah pa jiyari nila in suukan in babai ha jubul niya (tabiya' dakuman). Biya' sin kiyabayta' ha kitab *Al-Istibsar* dayng kan Ali bin Al-Hakam laung niya: "Diyungug ku hi Safwan namung: agi niya:"Laung ku kan Rida': Sabunnal tuud naraak aku sin hambuuk usug dayng ha manga tau mu in hipapaasubu kaw ha tungud sin parakala' biya' di' ku agun hikabungat sabab maluman aku kaymu, laung niya: Unu in parakala' yan? laung niya: Makajari baha' suukan sin bana in asawa niya ha jubul niya? (tabiya' dakuman) laung niya: Huun, kapatut niya yadtu".<sup>72</sup>



<sup>&</sup>lt;sup>70</sup>- Dayng ha himumumgan hi Sheikh Jibrin: In dalil dayng ha Hadith sin hiyaram in pagasawa mut'ah riwayat hi Muslim, sabda sin Rasullah (ﷺ) "O kamu manga manusiya' bakas ku jiyari kaniyu in pag-asawa mut'ah, ha bihaun sabunnal tuud in Allahu Ta'ala hiyaram niya na yadtu sampay pa adlaw qiyamat....))

<sup>&</sup>lt;sup>71</sup>- Tahdheeb Al-Ahkam kan al-Toosi 7/227

<sup>&</sup>lt;sup>72</sup>- Al-Istibsaar kan al-Toosi 3/243

### ما عقيدة الرافضة في النجف والكربلاء ؟ وما فضل زيارتها ؟

# Unu in Aqeedah sin Rafidah ha Al-Najaf<sup>73</sup> iban ha Karbala'? iban unu in kalabbiyan sin pagtibaw Kaniya?

Bilang sin manga Shi'ah in manga tampat (piyagkubulan) sin kaimaman nila tampat mulliya (sussi/mabarakat kunu'): in Koufa ( lugal ha Iraq ) mulliya, in Karbala' mulliya, iban in Qum mulliya, awn bayta' nila dayng kan as-Saadiq sabunnal tuud in lugal mulliya pa Allahu Taala amuna in Makkah, in lugal mulliya pa Rasul (ﷺ) amuna in Madina, iban in lugal mulliya pa Amirul Mu'minin (Ali' ibn Abu Talib) amuna in Al-koufa, iban bang katu' in lugal mulliya amuna in Qum.

In Karbala' ha pangatud nila labi apdal dayng ha Ka'bah, bayta' ha kitab *Bihaar Al-Anwaar* dayng kan Abu Abdullah laung niya: "Sabunnal tuud in Allahu (ﷺ) nagwahi pa Ka'bah "Bang sadja bukun lupa' sin Karbala' di' ta kaw mulliyahun, iban bang sadja way nasakup in lupa' Karbala' di' ta kaw papanjarihun iban sin bay (Baytullahil Haram) amuin nahinang sabab kiyabansag mu, na' tutug kaw iban pagpasantap kaw, iban pagpatikupu' kaw halaum kahinaan ha di' kaw magtakkabbul ha lupa' Karbala'. Na' bang kaw di' magpatikupu' kaniya, in Aku magmulka' kaymu iban hitilakbu' ta kaw pa Apinarka Jahannam ))<sup>74</sup>

Hinang pa sin manga Rafidah in pagtibaw ha tampat hi Al-Husain ha Karbala' labi apdal dayng sin rukun hikalima amuin pagnaik hadji' pa Baytullahil haram. Nasabbut hi Al-Majlisi ha kitab niya *Bihaar Al-Anwaar* dayng kan Bashir Ad-Dihaan in agi niya: "Laung ku kan Abu Abdullah: "Apabila aku di' makapaghadji', ubus madtu aku pa kubul hi Al-Husain? laung niya: "Marayaw tuud in hinang mu Bashir. Hisiyu siyu Mu'min in tumibaw (magmaksud) pa Kubul sin Al-Husain ha kiyaingatan niya in

<sup>&</sup>lt;sup>73</sup>- In Al-Najaf iban Karbala' lugal ha hula' Iraq.

<sup>&</sup>lt;sup>74</sup> - Bihaar Al-Anwaar 10/107

kapatut sin kubul sin Al-Husain ha bukun adlaw Eid (Haylaya) hisulat kaniya sin Allahu (ﷺ) biya' pahala' sin kawhaan (20) panghahadji' iban kawhaan (20) pang-uumra, iban pahala' sin kawhaan Jihad amuin nagaagad iban sin Nabi Muhammad (ﷺ) atawa nag-aagad iban sin Imam Adil, iban hisiyu-siyu in tumibaw kaniya ha adlaw Arafah hisulat kaniya in pahala' hang-ibu (1000) panghahadji' iban hang-ibu pang-uumra, iban hang-ibu pagjihad sarta' nagbubunyug iban sin Nabi atawa nagbubunyug iban sin Imam Adil )).

Ha kitab pa ini, in bayta' nila sabunnal tuud in manga maninibaw ha tampat hi Al-Husain in sila sutsi, adapun in manga tau ha paghadjian ha adlaw Arafah in sila manga anak jina (anak halambiyara') piyakalayu' sin Allah!!. Hambuuk bayta' dayng kan Ali Ibn Asbaat dayng kan Abu Abdullah laung niya: Sabunnal tuud in Allahu Ta'ala siya in muna-muna umatud pa manga maninibaw sin kubul sin Al-Husain ha adlaw Arafah. Laung niya: Iyasubu ku siya: "Ha di' pa siya (Allah) makaatud pa manga nag-uukup ha Arafah? Sambung niya: Huun. Laung ku: biya' diin yadtu? laung niya: sabunnal tuud in manga sila nag-uukup ha Arafah awn nakalamud kanila manga anak jina ampa in manga nanibaw ha Karbala' misan hangkatau' wayruun anak jina )). <sup>75</sup> Gam namayan piyalabi sin guru nila hi Ali Al-Sistaani ha kitab niya Minhaaj As-Saalihin In sambahayang ha manga tampat labi apdal dayng sin sambahayang ha kamasjidmasjiran!! Laung niya ha masa-alla umbul 562 "Sunnat in mag sambahayang ha manga tampat sin kaimaman (عليهم السلام), Na' awn pa nagbayta' sin labi apdal dayng ha sambahayang hakamasjid-masjiran" Awn hambuuk riwayat "In sambahayang ha tampat sin Baginda Ali Ibn Abi Talib labi in pahala' niya dayng sin duwang-gatus ngaibu (200,000) sambahayang hakamasjiran". 76

Miyabut pa in kalabbawan sin panglaggu' nila ha karbala' ha bayta' sin hambuuk guru nila pag-nganan hi Abbas Al-Kaashaani ha kitab niya *Masabeeh al-Jinaan* laung niya: Na' way pagduwa-ruwa in lupa' karbala' amuna in samulliya-mulliya lupa' (tampat) ha Agama Islam, mataud bayta'

<sup>&</sup>lt;sup>75</sup>- Bihaar Al-Anwaar 85/98

<sup>&</sup>lt;sup>76</sup>- Minhaaj As-Saalihin kan Al-Sistaani 1/187

hakaHadith-hadithan amuin riwayat pasal sin kamulliyahan niya. In kamulliyahan ini wala' kiyarihil ha kaibanan lugal. Nah in kaawnan niya (Karbala') lupa' mulliya iban mahabarakat sin Allahu Ta'ala, iban lupa' sin Allahu Ta'ala patikupu', nagpapatikupu', iban lupa' napi' sin Allahu Ta'ala iban lupa' salamat in tau halaum niya iban lupa' mabarakat iban lupa' mulliya sin Allah iban sin Rasul niya. Iban Qiblat sin Islam, iban dayng ha manga lupa' amuin kabayaan sin Allah pagtag-iypunan siya duun iban pagdua-ahan, iban tampat sin Allah amuin in lupa' niya ubat sin kasakit-sakitan, na' in kalabbiyan iban kalagguan natipun ha lugal ini way kabakan mu sibu' niya dayng ha manga katampat-tampatan di ha Dunya misan pa in Ka'bah.<sup>77</sup>

Bayta' ha kitab *Al-Mazaar* kan Muhammad An-Nu'man diyanglayan kan Shiekh Al-Mufeed, ha tungud sin kalabbiyan sin Masjid Al-kufa, Bayta' dayng kan Abu Ja'afar Al-Baaqir laung niya: Bang sadja kiyaingatan sin manusiya' bang unu in awn ha Masjid Kufa (kalabbiyan sin pagbisita kaniya) na' tartantu tuud pagtagamahan nila tulakun misan pa in kaawnan nila dayng ha hula' malayu', sabunnal tuud in sambahayang pardu' duun ha Masjid Kufa in pahala' niya biya' sin Hadji', iban in sambahayang sunnat in pahala' niya biya' sin Umra. <sup>78</sup>

Bayta' pa ha kitab ini ha Bab (Duwa-a ha waktu tumindug ha taas kubul) dayng ha damikkiyan yadtu hi isarat niya in lima niya tuu ampa siya dumuwa-a sin duwa-a mahaba', dayng ha manga duwa-a ini: "Miyari aku kaymu timibaw pangayuun ku in tumutug (tumaptap) in siki ku ha paghijra mari kaymu, kiyaingatan ku sabunnal tuud in Allahu Ta'ala hi-ig niya in kasusahan ha sabab niyu, iban ha sabab niyu pagpanaugun in rahmat, iban ha sabab niyu piyakamdus in gumi, iban ha sabab niyu piyatutug sin Allahu Ta'ala in kabudburan, sabunnal tuud nangarap aku pa Tuhan ku sumuluhan kaymu O kaw paghu' ku (Al-Husain) in hikatukbal in manga miyaksud ku iban ampunun in katan dusa ku ))<sup>79</sup>

<sup>&</sup>lt;sup>77</sup>- Masaabeeh Al-Jinaan kan Al-Kaashaani page 360

<sup>&</sup>lt;sup>78</sup>- Al-Mazaar kan Shiekh Al-Mufeed page 20

<sup>&</sup>lt;sup>79</sup> - Al-Mazaar kan Shiekh Al-Mufeed page 99

Dungdungi kunu' taymanghud ku namamassa bang biya' diin in kasirikan nila ha pagpangayu' nila duwa-a puas ha Allahu Ta'ala ha pagtukbal sin manga hajat iban pangayu' kaampunan sin manga dusa nila ha manusiya', biya' diin yan!! Sabunnal tuud in Allahu Ta'ala nagpalman:

"Iban way mangampuni sin manga paldusahan puas in Allahu Ta'ala" (Surah Al-Imran ayat 135).

Magpatilibun kitaniyu ha Allahu Ta'ala dayng ha kashirikan.



### ما أوجه الخلاف بين الشيعة الرافضة وبين أهل السنة ؟

### Unu in tibayhuan piyagsulangan ha antara' sin Shi'ah Rafidah iban sin Ahlus Sunnah?

Laung hi Nizhamuddin Muhammad Al-A'dhami ha panagnaan sin kitab *Ash-Shi'ah wal Mut'ah*: Sabunnal tuud in piyagsulangan ha antara' namu' (Shi'ah) iban sila (Ahlus Sunnah) bukun nasusun ha hukuman fiqhi biya' sin mas-ala Mut'ah... tantu bukun, sabunnal tuud in piyagsulangan ha puunan amura in piyagsulangan ha katan usul. Huun, in piyagbiddaan ha Al-Aqeedah kakitaan siya ha parakala' dumatung ini:

1- In manga Rafidah namung sila sabunnal tuud in Qur'an kiyapindahan iban kulang. In pamung natu' (manga Ahlus Sunnah): Sabunnal tuud in Qur'an kallam sin Allahu Ta'ala jukup way kulang, iban di' tuud siya kapindahan, karagdagan, kagantian sampay pa adlaw Qiyamat.

Palman sin Allahu Ta'ala:

## "Sabunnal tuud kami in nagpaturun sin Qur'an iban sabunnal tuud kami in namamarihala' kaniya " (Surah Al-Hijr ayat 9).

2- In manga Rafidah namung sila sabunnal tuud in manga sahabat sin Rasulullah (ﷺ) puas sin kaibanan in sila nagmurtad pagpuas ha kawapat ha Rasulullah (ﷺ) iban timaykud sila haka Islam, iban hiyayanat nila in amanat iban sin Agama, labi awla na in tuw (3) khalifa; Abubakar, Umar iban Uthman. Dayng ha damikkiyan yan ha pamaham nila in tuw sahabat ini landu' in kakupulan iban kalawngan. In kitaniyu (Ahlus Sunnah) mamung kitaniyu: Sabunnal tuud in manga sahabat sin Rasulullah (ﷺ) silana in sarayaw-rayaw manusiya' puas sin kanabihan —

magpanghimuting ha Nabi nila, iban in sila katan kapanghalapan (kapangandulan) hapagpasampay sin Agama Islam.

3- In manga Rafidah namung sila: In manga kaimaman – Hagpu' tagduwa Imam- in sila di' magkalawng, kiya-ingatan nila in gha-ib iban kiya-ingatan nila in katan ilmu' amuin piya-ingat ha manga Malaikat iban kanabihan iban karasulan, iban kiya-ingatan nila in ilmu' nakauna iban susungun, way makatapuk kanila hangsulag unu-unu, iban in sila kahatihan nila in katan bahasa ha Dunya iban in katan gumi halaum pagmilik nila. In pamung taniyu (Ahlus Sunnah): Sabunnal tuud in sila (Hangpu' tagduwa Imam sin Shi'ah) manusiya' sadja biya' da sin kaibanan manusiya' way piyagbiddaan ha antara nila, awn dayng kanila tagapanghati ha Shara', ilmuan iban kanakuraan, di' taniyu' sila sipatun sin sipat wala' nila piyagsipat pa baran nila, na' in manga yadtu piyanglangan nila iban namuasi pa sila.<sup>80</sup>



<sup>&</sup>lt;sup>80</sup>- Muqaddimah ha Kitab (Al-Shi'ah wal Mut'ah page 6)

### ما عقيدة الرافضة في يوم عاشوراء ؟ وما فضله عندهم ؟

# Unu in Aqeedah sin Rafidah ha tungud sin adlaw Ashura'? iban unu in kalabbiyan niya kanila?

Sabunnal tuud in manga Rafidah magpaawn sila pag-imun-imun, pagkarukkaan sarta' iban pagmatay ha karandanan iban ha mayran. Magtamung sila panamung itum tanda' pagmasusa nila ha waktu kashaheed kan Husain (﴿) ha hangpu' kasubangan sin bulan Muharram sakahaba' tahun, in i'tikad nila in ini dayng ha sarayaw-rayaw hinang hikasuuk pa Tuhan Rabul A-lameen. Na' magsampak sila sin ta'ping nila, magduk-duk sila sin daghal nila iban sin taykud nila, iban gisi'un nila in tamungun nila ha unahan sarta' iban pagtangis iban pagsilawak nila magtawag: Ya Husain!! Ya Husain!! Labi luba' na ha hikahangpu' kasubangan sin tiyap-tiyap bulan Muharram. Iban sambil in usalun nila hipamukpuk pa baran nila kadina basi' iban utak (atawa puddang hilagut pa uw iban baran nila) biya' sin magkajatu ha hula' amuin piyaghuhulaan sin manga Rafidah biya' na sin hula' Iran.

In manga kaguruhan nila mamulansang pa kanila sin kakahinang karupangan bihaini amuin mahinang sila gugura'-guraun sin katan mahadjana'. Na' iyasubu in hambuuk guru nila dakula' pag-nganan hi Muhammad Hasan Al-Kaashif Al-Ghitaa' sin parakala' paghinangun sin manga tumpukan niya biya' sin maglubak, magpuk-puk, magsampak...... in sambung niya: sabunnal tuud in hinang yan maitung siya dayng ha manga panglaggu'i ha pardaakan sin Allahu Ta'ala.

"Hisiyu-siyu in manglaggu' sin pardaakan sin Allahu Ta'ala na' sabunnal tuud in yan tanda' sin awn pagmabuga' ha pangatayan " (Surah Al-Hadj ayat 32.)

<sup>&</sup>lt;sup>81</sup> - In karupangan ini amuin pagpaawnun nila tiyap-tiyap tahun, sabunnal tuud in ini piyanglangan sin panghu' jungjungan Rasulullah (ﷺ) ha Hadith niya riwayat hi Muslim umbul (103) ha tungud pagsampak sin pisngi iban paggisi' sin tamungun.... Sagawa' in

### ما عقيدة الرافضة في البيعة ؟

# Unu in Aqeeda sin Rafidah ha tungud sin pagsapa ha pagnakura'?

Biylang sin manga Rafidah in katan pamarinta puas sin pamarinta sin hangpu' tagduwa (12) Imam amuna in pamarinta ba'tal. Bayta' ha kitab *Al-Kaafi* ha lilayan hi Al-Maazandaraani iban ha kitab *Al-Ghaibah* kan An-Nu'mani bayta' dayng kan Abu Ja'afar laung niya: In tiyap-tiyap panji angkatun muna dayng sin panji hi Al-Mahdi in tagdapu kaniya Taghoot (anyaya). <sup>82</sup> Iban di' maharus pagtaatan in nakura' bukun dayng ha Allahu Ta'ala malaingkan subay sadja labay Taqiyyah. In nakura' anyaya amuin di' mapatut magnakura' in pag-iyanun nila amuna in manga kanakuraan Muslim puas sin kanakuraan nila. Ha pag-uhanan sin manga Khalifa (🎄) biya' kan Abubakar, Umar iban hi Uthman.

Laung sin hambuuk Rafidah hi Al-Majlisi hambuuk siya dayng ha manga manglalawng kanila, siya in tagdapu sin kitab *Bihaar Al-Anwaar* ha tungud sin tuw (3) khalifa (Abubakar, Umar iban Uthman): "Sabunnal tuud in kaawnan nila (tuw khalifa ini) nangagaw kunu' pagnakura', manga anyaya, manga murtad liya'nat sila sin Allahu Ta'ala iban na sin hisiyu-siyu in miyagad kanila ha panganyaya nila ha manga Ahlul bayt nakauna iban nakahuli" <sup>83</sup>

amuyan in bayta' sin Imam guru nila hi Al-Majlisi amuin biylang in kitab niya dayng ha manga sahalga'-halga' kitab ha panggura'-gura' ha manga sarayaw-rayaw manusiya' puas sin karasulan sin Allahu Ta'ala iban kanabihan Niya.

manga Rafidah di' sila kumahagad sin Hadith sin Rasul (ﷺ) sabab sila na in saputing-puting tumpukan amuin nanghimuting ha Rasulullah (ﷺ).

<sup>&</sup>lt;sup>82</sup>- Al-Kafi ha lilayan hi Al-Maazindaarani (12/ 371) iban kitaa ha kitab Al-Bihaar Al-Anwaar (25/113)

<sup>&</sup>lt;sup>83</sup>- Al-Bihar kan Al-Majlisi (4/385)

Ha sabab yadtu, bang duunun ta ha manga puunan sin pikilan (pangahagad) nila ha tungud sin manga nakura' sin manga muslim iytung nila in katan timatabang kanila manga taghoot (mangliliyu lakad ha Shara' sin Tuhan) iban tau manganganyaya. Riwayat hi Al-Kulaini dayng kan Umar bin Handzala laung niya: "Iyasubu ku hi Abu Abdullah ha tungud sin duwa usug dayng ha manga panaiban namu' (Shi'ah) apabila awn piyagba'lihan ha antara' sin sila duwa ha Agama atawa ha pagbahagi' alta' ubus nagpahukum sila pa sultan iban pa huwis: Unu maharus kanila yadtu (magpahukum pa sultan iban huwis)? Laung niya: Hisiyu-siyu in madtu kanila magpahukum sibu' da hakasabunnalan iban hakabatilan ampa niya tiyayma' na' sabunnal tuud tiyayma' niya ha bukun dan halal misan pa in kapatut kaniya, sabab sabunnal tuud in siya tiyayma' niya dayng ha hukuman sin taghoot-manganganyaya))<sup>84</sup>

Laung hi Khominei ha kitab niya *Al-Hukooma Al-Islamiyyah* sugpat sin himumungan nila ini: "In baran sin Imam piyanglangan niya in madtu pa kasultanan, kanakuraan iban pa manga huwis nila, mabista in pagkadtu kanila, pagkadtu pa taghoot ))<sup>85</sup>

Bayta' ha kitab nila *At-Tuqyah fee fiqh Ahlil bayt* ha bahagi' (chapter) 9 ha tungud sin Taqiyyah ha Jihad. In ini hukuman sin pangadji' hi Shiekh Ayatullah Al-Hadz Al-Shiekh Muslim Al-Daawori ha himumungan niya ha pasal sin hinang hababaan sin sultan manganganyaya, in maksud sin sultan manganganyaya hatiniya nakura' Sunni. Na', laung niya: ((In maghinang hababaan sin sultan napuruk ha tuw (3) bahagi': Masuhul in maghinang hababaan sin sultan in maksud niya pagdihil kasanyangan ha manga Mu'min (in maksud sin manga Mu'min hatiniya Shi'ah, sabab in danglay sin Rafidah ha baran nila manga Mu'min) iban pagtunay sin hikarayaw kanila iban sin hajat nila. In hukuman sin bahagian ini Al-Istihbab (Marayaw atawa Sunnat) amuyan in matampal riwayat ha tungud sin Targheeb (pagpasub maghinang). Iban masuhul in maghinang hababaan nila in maksud karna' sin kabuhianan iban pagpasanyang sin

84 - Al-kafi kan Al-kulaini (1/67) Al-Tahdheeb (6/301) Man la yahduruhu Al-faqeeh (3/5)

<sup>&</sup>lt;sup>85</sup>- Al-Hukoomah Al-Islamiyyah page 74

ginhawa baran. In hukuman sin bahagian ini Al-jawaz alal karaha (harus sarta' awn pagkamakru niya) na' bang in siya nakarihil kasanyangan pa manga taymanghud niya Mu'minin iban nakatabang kanila kiyatunay niya in hajat nila, in yadtu hikapapas sin dusa niya. Awn masuhul in maghinang hababaan nila liddaruwra (way dapat subay mu hinangun) iban hajat hasupaya makakaun iban makainum. In hukuman sin bahagian ini Al-ibaha wal jawaz bilaa karaha (jiyari iban harus) ha way kamakruhan niya))<sup>86</sup>

In hikapamung ku: Kitaa kunu' iban dungdungi marayaw taymanghud ku Muslim bang biya' diin in panghukum nila ha Ahlus Sunnah sin in sila tau mangi' manganganyaya!! Iban sin pagdihil nila hukuman amuin jiyari nila in maghinang ha babaan sin Ahlus Sunnah sarta' awn sarat, dayng ha manga sahalga'-halga' sarat ini, amuna in awn mumpaat, kapaiddahan ha manga Shi'ah hasupaya mahinang harus atawa makajari. In ini bilang pagpasaksi' pa katauran. In Rafidah magtaat sadja sila ha nakura' bang in nakura' Rafidah da isab, damikkiyan in sila di' maghinang ha unu-unu na lugal malaingkan subay nila katabangan in pagkahi nila iban tuyuan nila tuud ha diin-diin na in kagausan ha mapaig in Ahlus Sunnah dayng ha hinang yaun hasupaya sila na in makapagbaya' ha katan parakala'. Bang mayan paliharaun da sin Allahu Ta'ala in manga Muslimin dayng ha manga kangian nila.



<sup>&</sup>lt;sup>86</sup>- Al-Tudvah fee fiqh Ahlil bayt (2/153)

### ما حكم التقريب بين أهل السنة الموحدين والرافضة المشركين ؟

### Unu in hukuman sin pagpasibu' ha antara' sin Ahlus Sunnah nanununggali pa Allahu Ta'ala iban sin Rafidah nagsasakutu pa Allah?

Mamarahina taymanghud in bayta' hi Doctor Nasser Al-Qifaari ha kitab niya Mas-alat At-Tagreeb ha himumungan hikapitu, ha kabtangan niya – piyarihala' siya sin Allah- "Biya' diin in kapagpasibu' (atawa kapagpasuuk) ta ha antara' sin Ahlus Sunnah iban sin manga nanggugura'gura' ha Kitab sin Allah (34) iban tiyapsilan nila ha bukun ma'ana kamaksuran niya, iban ha nagdaawa sila sin awn piyaturun sin Allahu Ta'ala kakitab-kitaban pa kaimaman nila puas sin Our'an. Iban ha pangatud nila in pagkaimam darajat pagkaNabi, iban in darajat sin kaimaman ha pangatud nila biya' sin darajat sin kanabihan atawa kan labi pa dayng hayadtu. Iban tiyapsilan nila in pag-ibadat tunggal pa Allah (ﷺ) amuin pardaakan sin katan karasulan ha bukun ma'ana niya tuman (sabunnal). In pangahagad nila in ibadat pa Allah (3%) amuna in pagtaat pa kaimaman, iban in pagshirik pa Allah (26) amuna in pagtaat pa dugaing dayng ha kaimaman. Iban kiyupur nila in manga sarayaw-rayaw kasahabatan sin Rasulullah (ﷺ) iban hiyukum nila murtad in katan sahabat puas sin tuw (3) atawa upat (4) atawa pitu' (7) ha kaibanan bayta' sin riwayat nila, iban timungkilang sila ha kamatauran sin manga Muslimin (Sunni) ha parakala' Ageedah ha kaimaman iban 'Asamah (kalappas dayng ha dusa) iban tuqyah, iban biyayta' pa nila sin awn pagbalik sin kaimaman nila mari pa dunya, iban in parkala' ghaib kaingatan sin kaimaman nila iban sin paratsaya ha Al-Bada'a" 87

<sup>&</sup>lt;sup>87</sup>- Mas-alat at-Taqreeb kan Shiekh Dr. Nasser Al-Qifaari (2/302).

<sup>\*</sup> In ma'ana sin Al-Bada'a: amuna in paglahil puas sin kalawa' atawa katapuk, atawa kan in ma'ana niya pagtagna' sin pikilan ba'gu. in ini nisbat nila pa sipat sin Allahu Ta'ala.

### ما أقوال أئمة السلف والخلف في الرافضة ؟

# Unu in himumungan sin manga kaimaman Salaf (nakauna) iban Khalaf (nakahuli) ha tungud sin Rafidah?

Laung hi Shiekhul Islam Ibn Taymiyyah (kiya-ulungan siya sin Allah (ﷺ): "Kiyapagmawpakkatan sin manga ulama' in manga Rafidah sila na in saputing-puting tumpukan, in sipat pagputing kanila dayng pa sin awwaldaan, ha sabab ini kiya-iingatan sin manga kaimaman sin Islam in manga Rafidah nakabidda' sabab sin taud sin puting nila".

Laung hi Ash-hab ibn Abdil Aziz: "Naasubu hi Imam Malik (kiya-ulungan siya sin Allah) ha tungud sin Rafidah. Na' laung niya: Ayaw kaw duma magbissara kanila iban ayaw kaw kumawa' riwayat (bayta') dayng kanila sabunnal tuud in sila yan putingan. Iban laung pa hi Imam Malik (kiya-ulungan siya sin Allah): Amuin magpamung-mung, magpanggura'-gura' ha manga sahabat sin Rasulullah (
) way gulalan nila atawa way suku' nila ha Agama Islam)).

Laung hi Ibn Katheer (kiya-ulungan siya sin Allah) ha ma'ana sin palman sin Allahu Ta'ala:

خُحَمَّدُ رَسُولُ ٱللَّهِ وَرِضُوا اللَّهِ وَالَّذِينَ مَعَهُ وَأَشِدَآءُ عَلَى ٱلْكُفَّارِ رُحَمَاءُ بَيْنَهُم اللَّهُ وَرِضُوا اللَّهِ وَرِضُوا اللَّهُ اللللَّهُ الللللِّهُ اللَّهُ الللللِّهُ الللللْمُ الللللْمُ الللللْمُ الللللْمُ الللللْمُ الللللْمُ اللللللْمُ الللللْمُ الللللْمُ اللللْمُ الللللللْمُ الللللْمُ الللللْمُ اللللْمُ اللللْمُ الللللْمُ اللللللْمُ الللللْمُ الللللْمُ الللللْمُ الللللْمُ اللللْمُ الللْ

"Hi Muhammad daak sin Allah (ﷺ, iban in manga sila miyamagad kaniya (sahabat niya) landu' in isug nila bang tungud pa manga kapir, iban nagkakasi liyasahi sila ha antara' nila. Kakitaan mu in sila ha hal nagruruku' nagsusujud karna' sin taud sin sambahayang nila, nagmumuhut-muhut sila sin pahala', tungbas, karidaan iban Surga' dayng ha Allahu Ta'ala. kakilahan mu sila ha alamat (tanda') nakabidda' ha pamayhuan nila sabab sin taud sin sujud nila ha pagsambahayangan, yan in sipat nila kiyabayta' ha kitab Tawrat (kitab piyaturun kan Musa) iban ha kitab Injil (kitab piyaturun kan Eisa) in kahantang nila biya' sin binhi' tiyanum ubus ampa timubu' himunjal pa guwa' nagsuling sayngsing miyagun iban kimamdus in puunan niya sahingga naajaib in magtatanum sin lingkat niya, duun haini nanguttuman sin bungsi in manga kapir kanila. Iban jiyanjian sin Allahu Ta'ala in manga bar-iyman iban sin manga nag-aammal salih dayng kanila sin kaampunan niya iban pahala' salaggu'-laggu'. (Surah Al-Fath: 29)

Laung niya: "Ha ayat ini piyaguwa' hi Imam Malik (kiya-ulungan siya sin Allah) hambuuk riwayat dayng kaniya sin kiyupur niya in manga Rafidah amuin madugal, mabungsi sila ha manga sahabat (🎄) laung niya: sabab sabunnal tuud in sila (manga Rafidah) mabungsi sila ha manga sahabat, hisiyu-siyu in marugal ha manga sahabat (🎄) na' in siya mabista kapir sabab sin ayat ini))

Laung hi Imam Al-Qurtubi (kiya-ulungan siya sin Allah): ((Sabunnal tuud landu' in dayaw sin himumungan hi Imam Malik iban kimugdan in ta'wilan niya sin ayat ini, na' hisiyu-siyu in ngumi' ha hambuuk dayng kanila (manga sahabat ) atawa kan manggura'-gura, na' sabunnal tuud siyulak niya in Allahu Ta'ala iban biya'tal in kashara'-saraan sin manga Muslim ))<sup>88</sup>

Iban laung hi Abu Hatim: ((Bayta' kamu' hi Harmalah laung niya: diyungug ku hi Imam Shafi'i (﴿) naghimumungan, laung niya: Way aku nakita' hangkatau nakalandu' in panaksi' ha puting dayng ha Rafidah".

<sup>&</sup>lt;sup>88</sup> - Usool Al-Majhab Ash-Shi'ah Al-Imamiyyah Al-Ithna 'Ashariyyah kan Dr. Nasser Al-Qifaari (3/1250)

Iban laung hi Mu'mal Ibn Ahaab: ((Diyungug ku hi Yazeed bin Haroon naghimumungan: Hisulat in bayta' (tungud Hadith atawa pagagama) sin tiyap-tiyap maghihinang bid'ah apabila siya di' mangabi-ngabi pa hinang bid'a malaingkan in Rafidah (di' hisulat in bayta' nila) sabunnal tuud in sila magpuputing)).

Iban laung hi Muhammad bin Sa'eed Al-Asbahaani: ((Diyungug ku hi Shuraik naghimumungan: taymaa in ilmu' sin hisiyu-siyu na in hipagbak mu puas in Rafidah (ayaw kaw tumayma'), sabunnnal tuud in sila maghinang-hinang Hadith ampa nila kawaun hinangun Agama)).
Hi Shuraik siya na in hi Shuraik Ibn Abdullah Qadi (huwis ) sin hula' Al-

Hi Shuraik siya na in hi Shuraik Ibn Abdullah, Qadi ( huwis ) sin hula' Al-Koofa

Iban laung hi Mu'awiyah: ((Diyungug ku hi Al A'mash naghimumungan laung niya: Iyabutan ku in manga manusiya' (Ulama' sin Ahlus Sunnah) way nila ngiyanan (in tumpukan sin Rafidah) sin unu-unu na ngan malaingkan amuna in **manga putingan**)). Hatiniya amuin manga panaiban hi Al-Mugheerah Ibn Sa'eed hambuuk Rafidah putingan biya' sin bayta' hi Imam Adh-Dhahabi))<sup>89</sup>

Laung hi Shiekhul Islam Ibnu Taymiyyah (kiya-ulungan siya sin Allah) sugpat sin manga himumungan sin manga kaimaman nakauna (Salaf): ((Adapun in Rafidah in puunan sin bid'ah nila dayng ha nifaq iban kupur, iban mataud in puting nila, iban in sila mag-ikrar sin pagputing ha waktu sila naghimumungan: In Agama namu' "At-Tuqyah", in Tuqyah "Taqiyyah" siya na in maghimumungan in hangkatau dayng kanila hilapal sin dila' niya dugaing isab in halaum pangatayan niya, amuna yan in puting iban nifaq, -hinang pangdupang/pangakkal.))

Laung hi Abdullah Ibn Ahmad ibn Hanbal (kiya-ulungan sila kadura sin Allah): (( Iyasubu ku hi ama' ha tungud sin Rafidah, laung niya: sila na in magpamung-mung iban magpanggura'-gura' ha Abubakar iban Umar)). Naasubu hi Imam Ahmad ha tungud kan Abubakar iban Umar, na' laung

<sup>&</sup>lt;sup>89</sup>- Minhaaj As-Sunnah kan Shiekhul Islam Ibn Taymiyyah ( 1/59-60 )

<sup>&</sup>lt;sup>90</sup>- Minhaaj As-Sunnah kan Shiekhul Islam Ibn Taymiyyah ( 1/68 )

niya: pangayu'i niyu sila karuwa pa Allah (ﷺ) rahmat iban pamuas kaw dayng ha hisiyu-siyu na in maastul, marugal kanila duwa ))<sup>91</sup>

Riwayat dayng kan Al-Khallal dayng kan Abubakar Al-Marwazi in siya naghimumungan: "Iyasubu ku hi Abu Abdullah (Ahmad Ibn Hanbal) ha tungud sin tau magpamung-mung ha Abubakar iban Umar iban 'Aisha, laung niya: "Bukun na siya halaum likusan sin agama Islam" <sup>92</sup>

Iban riwayat hi Al-Khallal laung niya: "Biyaytaan aku hi Harb Ibn Ismael Al-Kirmaani laung niya: "Biyaytaan aku hi Musa Ibn Haroon Ibn Ziyaad laung niya: Diyungug ku hi Al-Firyabi iyasubu sin hambuuk usug ha tungud sin namumg-mung kan Abubakar, laung niya: Kapir. Laung sin nangasubu: Unu sambahayangun pa baha' siya? laung niya: di' na" <sup>93</sup>

Laung hi Ibn Hazim (kiya-ulungan siya sin Allah) ha tungud sin Rafidah ha waktu naglugat (nag-debate) iban sin Nasara (Kristiyan) diyarahan siya manga kitab sin Rafidah hipangjawab kaniya, laung niya: ((Sabunnal tuud in Rafidah bukun sila manga muslim, iban in himumungang nila bukun dalil ha Agama, in Rafidah hambuuk tumpukan naawn in puunan niya puas na kawapat sin Rasulullah (ﷺ) kawhaan taglima tahun (25 yrs.), in kaawnan sin puunan niya panayma'i sin hisiyusiyu in diyusdus sin Allahu Ta'ala amuin nanghinang kangian ha Islam, iban siya na in tumpukan miyamagad sin limpa sin Yahudi iban Nasara ha pagputing iban pagkupur ))

Iban laung hi Abu Zar'ah Ar-Razie: "Bang kaw Makakita' tau mamung-mung, mangbaba'-baba' ha hangkatau dayng ha manga kasahabatan sin Rasulullah (ﷺ) na' ingata in siya munapik".

Naasubu in اللجنة الدائمة للإفتاء (Permanent Committee on Fatwa) ha Saudi Arabia sin pangasubu dimatung kanila, in nangasubu iban sin

<sup>91 -</sup> Al-Masaa'il war-Rasaa'il Al-Marwiyya anil Imam Ahmad Ibn Hanbal ( 2/357 )

<sup>&</sup>lt;sup>92</sup>- As-Sunnah Kan Al-Khallal (3/493).

<sup>93 -</sup> As-Sunnah kan Al-Khallal (3/499)

<sup>&</sup>lt;sup>94</sup> - Al-Fasl wal Nihal kan Ibnu Hazim ( 2/78 )

tumpukan niya ha North border masuuk pa Iraq, awn duun tumpukan ha Madzhab Al-Ja'fariyyah (Shi'ah), in kaibanan dayng ha manga sunni di' magkaun sin sumbay-an nila (Shi'ah), awn kaibanan isab magkaun, in pangsubu namu': Unu halal kamu' kumaun sin sumbay-an nila ha kiyaingatan namu' in sila bang sila kugdanan mudarat iban datungan kasigpitan aramala iban kasanyangan in tawagun nila hi Ali iban hi Hasan iban hi Husain iban kanakuraan nila?

In jawab sin "Permanent Committee on Fatwa" ha pag-uhanan hi Shiekh Abdul Aziz Bin Baz iban hi Shiekh Abdurajak Afeefee iban hi Shiekh Abdullah bin Ghudayan iban hi Shiekh Abdullah bin Qa'uod (dihilan sila sin Allahu Ta'ala karayawan):

In pudji tunggal ha Allahu Ta'ala, salawat iban salam ha panghu' natu' jungjungan Rasulullah iban na sin ahli niya iban sin manga sahabat niya, mahuli:

"Bang in kaawnan sin parakala' biya' sin siyabbut sin tau nangasubu sin awn dayng ha manga panaiban niya Madzhab Ja'fariyyah in pagtawagun nila hi Ali, Hasan, Husain iban sin kanakuraan nila, na' in sila mushrikoon (nagsusumba dugaing dayng ha Allahu Ta'ala) iban in sila murtad magpatilibun kita pa Allah. Na' di' maharus kaunun in sumbay-an nila (bukun halal) sabab sabunnal tuud maitung na siya patay misan pa nila siyabbutan ngan sin Allahu Ta'ala."

Naasubu hi Shiekh Abdullah Al-Jibrin (piyalihara' siya sin Allahu Ta'ala) sin pangusbu dimatung kaniya: "Fadhilatus Shiekh Awn ha hula' namu' hambuuk tau in siya dayng ha manga Rafidah, in siya magsusumbayi', pagtaabbitun siya sin Ahlus Sunnah magsumbayi' sin (manga hayup) susumbay-un nila, damikkiyan awn kaibanan restaurant in magsusumbayi' kanila amuna in tau yaun iban pa sin panaiban niya dayng ha manga Rafidah in hinang nila magsusumbayi' daisab. Unu in hukuman sin magsumadja iban sin tau Rafidah bihaini iban na sin manga sibu' niya

<sup>95 -</sup> Ha kitab Fatawa Al-Lujna Al-Daima lil-iftaa vol.2 pg 263

Rafidah? iban unu in hukuman sin sumbay-an niya? unu halal siya atawa haram? mangayu' kami fatwa kaymu (dihilan kamu pahala' sin Allahu Ta'ala).

#### [Jawab]:

Wa alaykumussalam wa rahmatullahi wa barakatuhu, mahuli: Na' in sumbay-an sin Rafidah bukun halal iban di' maharus kaunun in sumbayi'an niya, sabunnal tuud in kamatauran sin Rafidah nagsishirik pa Allahu Ta'ala, in sila ha waktu datungan aramala atawa kan bang hakasigpitan iban ha kasanyangan sampay ha Arafat iban pagtawaf (ha Ka'abah) iban pagsa-i (ha Safa iban Marwa) in tawagun nila (pagpangayu'-ngayu'an) hi Ali Ibn Abi Talib (﴿) iban tawagun nila in manga anak niya iban sin manga kaimaman nila biya' sin pagkarungugan namu' daran, in ini shirik salaggu'-laggu' iban pagmurtad (panaykuri) ha Agama Islam, in hukuman mapatut na sila bunuun sin manga kanakuraan atawa qadi' (huwis) sin manga muslimin amuin piyamamarinta nila in shara' sin Agama Islam.

Damikkiyan in sila sipatun nila hi Baginda Ali sin sipat di' mapatut hipagsipat malaingkan amura in Allahu Ta'ala, biya' sin pagkarungugan namu' ha Arafat, ha kahalan yadtu in sila murtad sabab hiynang nila hi Ali tuhan nagpapanjari, iban makapagbaya' sin piyapanjari, iban makaingat sin ghaib, iban siya in tagmilik sin kangian iban karayawan iban duging pa dayng ha yadtu.

Damikkiyan in sila nang gugura' gura' ha kasabunnalan sin Qur'an, in pamaratsaya nila pindahan, giyantian, kiyulangan kunu' sin manga sahabat in kamatauran halaum sin Qur'an amuin manunjuki pa Ahlul bayt iban sin kuntara nila, di' sila magad ha Qur'an iban in pangatud nila di' siya hikapagdalil.

Damikkiyan sabunnal tuud in sila (manga Shi'ah-Rafidah) nanggugura'-gura' (iban nanunukna') ha manga panghu' sin manga sahabat biya' sin tuw (3) khalifa (Abubakar, Umar, Uthman) iban sin kaibanan hangpu' amuin jiyanjian makasud Surga', iban nang-gura-gura' sila ha manga kaasawahan sin Rasulullah (ﷺ) inah sin katan Mu'minin, iban ha manga sahabat bantug

biya' kan Anas, Jaber, iban Abu Hurayrah iban sin dugaing pa dayng kanila, di' nila taymaun in manga riwayat kahadith-hadithan nila, sabunnal tuud ha pangatud nila in manga sahabat ini manga kapir! Iban di' sila manayma'i sin manga kahadith-hadithan riwayat hi Imam Bukhari iban Imam Muslim puas sin Hadith tungud pa Ahlul bayt sadja, in kiyukumpitan nila kahadith-hadithan puting katan atawa kan in himumungan nila wayruun dalil niya, iban damikkiyan in sila naghinang sin kakahinang sin munapik hipamung sin dila' nila sa' dugaing in halaum pangatayan nila, iban tiyatapuk nila in kangian nila kaymu iban in pamung nila: "Hisiyu-siyu in way Taqiyyah niya na' tantu way pag-Agama niya". Na' ayaw kaw kumahangad sin panawag-tawag nila ha tungud sin pagtaymanghud iban pagkasi-lasa ...... iban dugaing pa hayan, in nifaq (pagkamunapiq) iytung nila dayng ha Aqeedah nila, palayuun kitaniyu sin Allahu Ta'ala dayng ha kangian nila.

Salawat iban salam ha panghu' natu' jungjungan Rasulullah (3) iban ha ahli niya iban ha katan sahabat niya.

<sup>&</sup>lt;sup>96</sup>- In Fatwa ini guwa' dayng kan Shiekh Abdulla Al-Jibrin puas sin diyatungan siya pangasubu ha hukuman sin pagsumadja iban sin Rafidah ha tahun 1414H., mabaya' sadja aku magpasawa ha simaplag sin hi Shiekh Jibril siya in nanunggali nangupur ha manga Rafidah, ampa in kaul bunnal amuna in sabunnal tuud in manga kaimaman sin Salaf iban Khalaf kiyupur nila in tumpukan ini ha damikkiyan sin tindugan dalil iban puklas sila dayng ha udzul kaawam amuin manjarina sila hukumun kupur/kapir.

### سورة الولاية المزعومة

# Suratul Wilaya amuin huna' huna'sin Shi'ah inig halaum Qur'an

Dayng ha kitab (Faslul Khitab):

O kamu manga namamaratsaya! Pamaratsaya kamu ha duwa sahaya amuin piyaturun namu' mamayta' kaniyu sin kaa-yat ayatan ku iban magpaanib kaniyu sin siksa' ha adlaw Kiyamat.

Duwa sahaya, magsahaya siya hayahi kaniya pa kaniya iban aku in labi makarungug iban labi makahati.

Sabunnal tuud in manga sila timutunay iban sin Rasul niya sin kaayatayatan kanilana in kasurga' surgaan masanyang (bihaini) iban in manga sila nagkupur puas nila namaratsaya, sabab ha panglarak nila sin iyman nila parjanjian nila iban unu unu na in jiyanji' kanila sin Rasul hitilakbu sila pa Jahannam.

Iyanyaya nila in ginhawa baran nila iban wala' nila iyagad in kiyapagwasiyatan sin Rasul, sila na yadtu in painumun sin iinuman kimaruk in pasu' niya ha Narka'. Sabunnal tuud in Allahu Ta'ala piyasahaya niya in pitung lapis langit iban lupa' ha kabayaan niya iban pini' niya dayng ha manga Malaikat iban jiyari niya dayng ha manga mu'minin, in Allahu Ta'ala limaya siya ha piyapanjari niya way tuhan mapatut pagtag-iypunan malaingkan Siya baing-ulungun iban baing-kasihun.

Bunnal tuud tiypu sin manga sila nakauna in karasulan nila na' nagbalik kanila in katitipuhan nila sabunnal tuud in siksa' ku landuh in bisa (ul-ul) niya.

Sabunnal tuud liyapnas sin Allahu Ta'ala hi Aad iban hi Thamuod sabab sin kakahinang nila iban hiynang Niya sila kaniyu pamintangan di' ka kamu magmabuga' pa Allah.

Iban hi Fir'aun iban sin katan miyagad kaniya liddup ku sila sabab sin kajaruhakaan nila kan Musa iban kan Haroon.

Hasupaya mahinang niyu pamintangan iban sabunnal tuud in kamatauran niyu Faasikoon (bardusa nalalaung).

Sabunnal tuud in Allahu Ta'ala tipunun sila ha parang Mahshar na' di' sila makasambung ha waktu nila asubuhun.

Na' sabunnal tuud in Jahannam huhulaan nila iban sabunnal tuud in Allahu Ta'ala labi makahati iban labi makaingat.

O kaw Rasul pasampaya in banda' ku sung da nila kaingatan.

Bunnal tuud nalugi' na in manga sila amuin limayu' ha manga pardaakan ku iban hukuman ku.

In hantang sin manga sila timutunay sin parjanjian mu sabunnal tuud tungbasan ku sila kasurga' surgaan masannang.

Sabunnal tuud in Allah, Siya in mangangampun iban mangdirihil pahala' salaggu' laggu'.

Iban sabunnal tuud hi Ali dayng ha manga nagmamabuga'.

Iban sabunnal tuud hitunay namu' in hak (kapaut) niya ha adlaw Mahuli.

Wala' namu' piyahilpahil liyupa in nanganyaya kaniya.

Iban miyulliya namu' siya ha katan ahli mu.

Na' sabunnal tuud in siya iban sin kaluarga' niya landu' in kasabar.

Iban sabunnal tuud in kuntara nila imam (nakura') sin manga jahallis.

Pamungan ha manga sila nagkupur puas nila namaratsaya miyuhut-muhut niyu in pangari-ngari ha Dunya iban nag-us-us kamu sin pagdunya kiyalupahan niyu in tiyatagama kaniyu sin Allah iban Rasul niya iban liyarak niyu in parjanjian puas sin pamunnal kaniya iban dihilan namu' kamu upamahan, tanda' kalu in kamu kahidayatan.

O kaw Rasul! sabunnal tuud piyaturun namu' kaymu in manga kaayatayatan, pardaakan halaum niya matampal hisiyu-siyu in iygan Niya nyawa ha hal in siya mu'min iban hisiyu-siyu in malling kaniya ha puas mu na' in sila lumahil da.

Na' layu' kaw dayng kanila sabunnal tuud in sila wala' kimakahagad. Sabunnal tuud in sila magbalik da mari kamu. Ha adlaw amuin wayna makatabang kanila unu-unu iban di' sila kaulungan. Sabunnal tuud jahannam in paghulaan nila salama-lama.

Na' sabbut kaw ha ngan sin tuhan mu iban magpa-awn kaw dayng ha manga sumusujud.

Sabunnal tuud piyara namu' hi Musa iban hi Haroon na' iyanyaya nila hi Haroon. Na' in magsabar labi marayaw. Awn na dayng kanila hinang namu' amu' iban babuy iban liya'nat namu' sila sampay pa adlaw Mahuli. Na' pagsabar kaw sung nila ra tud kaingatan. Iban diyhil namu' kaymu in babarapa hukuman biya' sin manga sila karasulan nakauna dayng kaymu. Iban jiyari namu' kaw kanila pangandulan, kalu in sila magbalik da pa dan mabuntul. iban hisiyu-siyu in malling, lumayu' ha pardaakan ku na' sabunnal tuud aku ra in uwian niya, na' magduyag-duyag na sila halaum sin kakupuran nila di ha Dunya, iban ayaw na asubuha in hal sin manga sila way pamaratsaya.

O kaw Rasul! biyutang namu' in parjanjian ha liug sin manga namaratsaya kaymu, na' kawaa siya iban pagpa-awn kaw dayng ha manga magsusukur.

Sabunnal tuud bang waktu dum in Baginda Ali mag-ibadat iban simusujud pa Allah, iban imaanib siya ha adlaw Mahuli iban miyumuhut-muhut niya in tungbas sin Tuhan niya. Pamungan! unu magsibu' baha' in manga sila amuin nanganyaya iban ha hal in sila kiyaingatan nila in siksa' ku tiyatagama kanila. Hilibud namu' in kadina ha manga liug nila iban in sila hal nagsusun sin kakahinang nila. Sabunnal in kami dihilan Namu' kaw kakuyagan sabab in kaluarga' niya naghihinang marayaw. iban iyagad nila in pardaakan namu' wala' nila tiyaykuran,piyahil-pahil.

Na' duun kanila in kasajahitraan iban rahmat dayng kaku' ha kabuhi' nila iban kamatay. Ha adlaw buhiun sila magbalik iban in mulka' ku duun ha manga nanganyaya kanila pagpuas mu, sabunnal tuud in sila kawman mangi' halaum kalugian. Iban ha amuin manga sila miyurul sin limpa' nila rahmat dayng kaku' iban in sila halaum kasajahitraan ha kabilik-bilikan sin Surga'.

Iban in pudji iban pagsukur tuput pa Allah Tuhan sin katan A-lam. <sup>97</sup>

<sup>&</sup>lt;sup>97</sup> - Amu ini in "Surah Al-wilaya" amuin huna'-huna' sin Shi'ah inig dayng halaum Qur'an, siyalin namu' dayng ha kitab *Faslul Khitaab* sin mattan kiyapindahan iban kiyakulangan in Qur'an, hasupaya kakitaan sin mamamassa panahawi ha Allahu Ta'ala

### لوح فاطمة المزعوم

### Sulat tungud kan Fatima ha huna'-huna' sin Shi'ah

In kitab ini dayng ha Allahu Ta'ala tudju kan Muhammad Nabi niya iban sahaya niya iban daak niya iban taming niya iban dalil niya, timurun in Jibriel kaniya dayng ha Tuhan sin katan A-lam, laggua O Muhammad in kangan-nganan ku iban pagsukur kaw sin manga ni'mat ku iban ayaw kaw magmungkil sin manga karayawan ni'mat ku, sabunnal tuud Aku in Allah way tuhan mapatut pagtag-ipunan malaingkan Aku mamudda-i ha manga tau naggugulal makusug (takabbur) iban tumatabang ha manga na-aanyaya,

Sabunnal tuud aku in Allah way mapatut pagta-ipunan malaingkan Aku, Na' hisiyi-siyu in magmuhut dugaing dayng sin kalabbiyan ku atawa muga' ha dugaing dayng sin kaadilan ku, siksaun ku siya sin siksa' wala' pa kyananaman sin hangkatau. Na' tuput Aku in pagtag-ipunan mu iban tuput Aku in pagtawakkalan mu, sabunnal tuud way Aku nagpara Nabi najukup niya buwat malaingkan piyapanjarihan ku siya adlaw kapangandulan (kiyapagwasiyatan), sabunnnal tuud miyulliya ta kaw dayng ha manga kanabihan iban miyulliya ku in kiyapagwasiyatan mu dayng ha manga kaibanan. iban miyulliya ta kaw sin duwa anak mu iban sin duwa apu' mu hi Hasan iban hi Husain. Nah jiyari ku hi Hasan putti sin ilmu' ku puas sin ama' niya, iban jiyari ku hi Husain pangandulan aagsuan sin wahi ku iban miyulliya ku siya sin shahada (nasabil) iban dihil ku kaniya in kasanyangan ha waktu niya nawapat. Na' in siya labi apdal dayng ha manga nagkasahid iban sataas-taas darajat. Jiyari ku in himumungan Ku sampurna' kaniya iban in dalil Ku salaggu' laggu' kaniya. Sabab sin pangkat niya, in Aku tumungbas iban sumiksa', in ha unahan nila hi Ali panghu' sin manga bar-ibadat iban pangari-ngari sin manga kaawliyaan ku nakauna, iban in anak niya dagbus sin apu' niya hi pupudjihun Muhammad Al-Baqir ilmu' ku iban kusug sin hikmat ku, hi liddup da in nagduruwa ruwa kan Ja'afar, in tumuku kaniya biya' niya ra tiyuku hi Baginda Ali, Mattan bunnal in himumungan dayng kaku' tantu tuud mulliyahun ku in huhulaan hi Ja'afar iban tantu tuud pakugun ku siya sin taud sin miyamagad kaniya iban sin manga panaiban niya iban sin manga pangagad niya, puas niya piyaluhay kan Musa in pitna, Sabab in lubid sin pardaakan ku di' magkabugtu' iban in dalil ku way nakatapuk iban in kakasi ku painumun sila sin iinuman sampurna', hisiyu-siyu in magkupur ha hangkatau dayng kanila nah kiyupur niya in ni'mat ku, iban hisiyu-siyu in mamindahi sin ayat sin kitab ku na' nanghimuting siya kaku', kasiksaan ha manga nanghihimuting, nagkukupur pagpuas sin masa hi Musa iypun ku iban kakasi ku iban sarayaw-rayaw napi' ku para kan Ali tindug ku iban bawgbug ku iban dayng (....) 98 pagkanabi iban tukasun ku siya sin pagnakura' sabab sin ini patayun siya sin Shaitan matakabbur hikakubur siya ha Madina amuin biyangun sin iypun salih haraig sin sangi'-ngi' piyapanjari ku, tattap na in hukuman ku sabunnal tuud daakun ku siya papaagarun kan Muhammad anak niya iban nakura' niya puas niya iban tagwaris sin ilmu' niya, na' in siya hugut sin ilmu' ku bubutangan sin rahasiya' ku iban dalil ha piyapanjari ku, hisiyu siyu in iypun mamaratsaya kaniya Surga' in huhulaan niya iban pasapaatun ku siya kapituwan tau amuin wajib na kanila in Narka' dayng ha manga ahli niya, iban hipadawhat ku kaniya in kasanyangan ha kahinapusan sin kabuhi' niya ha karna' sin anak niya hi Ali kakasi ku iban tabang ku, iban saksi' ha piyapanjari ku iban pangandulan ku sin wahi ku, anugharaan ku siya anak manawag-tawag pa dan (Agama) ku iban tataw-an sin ilmu ku hi Hasan, hipajukup ku in parkala' duun ha anak niya ( ..... )99 rahmat ha katan piyapanjari duun kaniya in kasampurna' hi Musa iban kapandaypandikal hi Eisa iban kasabar hi Ayyub, na' mahina' in manga kakasi ha waktu niya magkalawling-gang in manga O nila biya' sin paglawling-gang sin manga O sin Turkeys iban sin Daylam, na' in sila mabunu' iban sunugun in kaawnan nila halaum buga' iban hanggaw, mamulahan in Dunya sin dugu' nila iban sumaplag in siksa' iban kahiluhalaan ha manga kababaihan nila, sila na yadtu in kakasi sabunnal, sabab nila hitulak ku in

<sup>&</sup>lt;sup>98</sup> - <sup>98</sup> - kabtangan bukun matampal hangkan di' hikasulat.

pitna iban sabab nila hiig ku in kalinuglinugan iban hitulak ku in kasigpitan, na' salawat iban salam dayng ha Tuhan nila iban sila na yadtu in kiyahihidayatan.

Laung hi Abdul Rahman Ibn Salim, laung hi Abu Basir: Bang kaw way nakarungug ha kabuhi' mu malaingkan amura in bissara ini, mamarahi na ini kaymu, na' umiri tuud yan ayaw pakitaan puas sadja dayng ha awn kapatut niya. 100 101



100 - In pamaratsaya sin Rafidah in Lauh Fatima (sulat tungud kan Fatima) nanaug in Jibril (ﷺ) kan Fatima - kiyaridaan siya sin Allahu Ta'ala - puas kawapat sin Rasul (ﷺ), in Ali ibn Abi Talib (ﷺ) in kaawnan niya timatapuk ha taykud dingding ha waktu nanaug in Jibril (ﷺ) kan Fatima (ﷺ) iban in kaawnan hi Ali (ﷺ) siyulat niya in himumungan sin Jibril kan Fatima (in yan nasabbut hi Al-Kulaini ha kitab niya *Al-kafi (1/185-186)*. na' in ini puting salaggu' laggu' iban bissara hinang-hinang, sabab sabunnal tuud puas sin Rasulullah (ﷺ) bugtu' na in wahi, sa' in sulat puting yaun biya' da darajat sin Qur'an mahamulliya kanila.

<sup>&</sup>lt;sup>101</sup> - Ha kitab *Al-Kafi* kan Al-kulaini (1/527) ha kitab *Al-Wafi* kan Al-Faydh Al-Kaashaani (2/72) iban ha kitab *Ikmaa-luddin* kan Ibn Baabawayhi Al-Qummi pg. 301-304, iban ha kitab *I'laam Al-Wara* kan Abu Ali Al-Tabrasi pg. 152.

### دعاء صنمي قريش ويريدون به الدعاء على أبي بكر وعمر رضي الله عنهما

# \*Duwa'a ha duwa barhala' sin Quraish \* in maksud nila sin duwa'a ini sukna' kan Abubakar iban kan Umar (kiyaridaan sila duwa sin allahu ta'ala)

Bismillahir Rahmanir Raheem, Ya Allah tukbalan in salawat kan Muhammad iban ha Ahli niya, Ya Allah la'nata in duwa barhala' sin Quraish iban duwa taghoot niya iban sin putingan niya amuin simulang sin pardaakan mu, iban nagmungkil sin wahi (piyaturun mu), iban nagmungkil karuwa sin manga ni'mat mu iban simulang karuwa ha Rasul mu, iban namindahi karuwa sin Agama mu, iban namindahi karuwa sin kitab mu, iban kimakasi karuwa ha kuntara mu, iban nagmungkil sin ni'mat mu iban namu'pu-i sin manga hukuman mu, iban nama'tali karuwa sin manga piyardu' mu iban nagmungkil karuwa sin manga tanda' mu, iban nanguntara karuwa ha manga kakasi mu iban timatabang karuwa ha manga kuntara mu iban nanglubuhi karuwa sin hula' mu, iban naghinang kaharubiruhan karuwa ha manga iypun mu.

Ya Allah la'nata sila karuwa iban sin miyamagad kanila duwa iban kimakasi, limalasa kanila duwa, karna' bunnal tuud liyarak nila karuwa in bay sin Nabi, liyubu nila karuwa in lawang niya iban liyaknit nila karuwa in atup niya, iban biyaliskat nila karuwa in atup niya iban sin lantay niya, iban tiyangsu' nila karuwa in ahli niya, iban iyubus nila karuwa piyatay in timutuku kaniya iban sin manga bata'-bata' niya, iban siyha' nila karuwa in mimbar niya dayng ha piyagwasiyatan niya iban tagwaris sin ilmu' niya, iban nagmungkil karuwa sin pagnakura' niya, iban nagsakutu karuwa pa Tuhan nila, na' landu' na in laggu' sin dusa nila karuwa iban pakakkala sila karuwa ha Narka' Saqar pag-nganan, unu in panghati mu sin Narka' Saqar, pupurun/ angpurun niya in katan halaum niya iban way paguyan nila.

Ya Allah la'nata sila katan biya' sin taud sin hinang nila mangi' amuin nahinang nila, in kasabunnalan tiyapuk nila, in mu'min biyuga' nila, in munapik liyasa nila, in wali (bar-ibadat) piyuhinga' nila, in bardusa hiyulmat nila, in nangahagari biyulaw nila, in kapir tiyabangan nila, in Imam (nakura') diyusdus nila, in pardu' pindahan nila, in karayawan miyungkil nila, in kangian tiyayma' nila, in dugu' iyasag nila, in karayawan pindahan nila, in kakupulan liyaggu' nila, in puting piyalingkat nila, in waris iyagaw nila, in daraugan alta' ha pagbunuan piyagtabanan nila, in haram kiyaun nila, in kabatilan piyatindug nila, in panganyaya piyasaplag nila, in kamunapik iban katitipuhan tiyatapuk nila, in janji' wala' nila tiyunay, in amanat hiyayanat nila, in parjanjian biyaluba/siyulang nila, in halal hiyaram nila, in haram hiyalal nila, in tiyan piyagtirak-tirak nila, in bata'-bata' piyakpak nila, in gusuk piyagtumu-tumu nila, in katarrangan piyagpurat-purat nila, in tibuuk kiyanat nila, in taga kawasa hiyna' hiyla' nila, in nahihina' liyaggu' nila, in kasabunnalan piya'gangan nila, in imam kiyuntara nila.

Ya Allah la'nata sila katan biya' sin taud sin tiyap-tiyap ayat pindahan nila, iban in pardu' binin nila, in sunnat pindahan nila, in manga hukuman sara' biyugtu'/iypusan/liyarak nila, in kasulat-sulatan gisi' nila, in wasiyat giyantian nila, in manga parakala' liyawa' nila, in parjanjian biyugtu' nila, ..in manga sipat tiyapuk nila.

Ya Allah la'nata sila katan ha nakatapuk iban ha nakatampal sin la'nat sataud-taud salama-lama way tubtuban niya, kanila lapay in manga miyamagad kanila iban sin timatabang kanila iban makasi kanila iban simasangdul kanila, iban sin manga Muslimin agad kanila iban sin mangayu' duwa-a kanila, iban sin manga miyamagad sin himumungan nila iban sin kimakahagad sin manga hukuman nila.

(ampa kaw mamung maka-upat balikan): Ya Allah siksaa sila sin siksa' amuin imaangut tabang in tau Api Narka Jahannam..tayma-a ya Tuhan ku Tuhan sin katan A-lam

(Mahuli ampa mu hipamung maka-upat balikan): Ya Allah la'nata sila katan, Ya Allah salawat kan Muhammad iban ha ahli niya anughara-i aku

Ridziki' halal palayu-a dayng kaku' in haram iban palayua aku ha kamiskin, O Tuhan ku sabunnal tuud naanyaya ku in baran ku iban mag ikrar lilla' aku sin manga dusa ku, na' yari aku ha hadarat mu karida-i in baran ku, kapatut mu aku taksilun, di' kuna pag-balik balikan, bang aku magbalik pa na' ampuna aku magbalik, sabab sin kalabbiyan mu, karayawan mu patimaapun kaw Ya kaw baing ulungun. 102

وصلى الله على سيد المرسلين وخاتم النبيين وآله الطيبين الطاهرين برحمتك يا أرحم الراحمين



<sup>&</sup>lt;sup>102</sup> - Miftahul Jinan kan Abbas Al-Qummi page:114

### الخاتمة

#### KATAMMATAN

#### Mahuli;

Taymanghud ku Muslim, bihayaun kalu tumaayun nakaw kaku' ha hisiyu-siyu in mag-agama sin agama ini di' sila mabista dayng ha manga muslimin misan pa nag-ngangan sin Agama Islam, manjari unu in wajib kaymu ya kaw taymanghud ku Muslim ha tungud sin Rafidah, labi awla na in sila naghuhula' ha antara sin manga Muslimin iban imuusul madtu kanila?

In wajib kaymu amuna in umanib kanila iban ayaw kaw duma magsumadja kanila, iban humalli', (salta' magpaamanib ha manga muslim dayng) ha Aqeedah pamaratsaya nila mangi' amuin timitindug ha panguntara iban astul ha tiyap-tiyap nanununggal/nananawheed, namamaratsaya pa Allahu Ta'ala iban nag-aagama mattan ha Agama Islam iban nag-naNabi iban nagra-Rasul kan Muhammad (🎉).

Laung hi Sheikhul Islam Ibn Taymiyyah (\*): ((Na' adapun in Rafidah di' siya duma magsumadja ha hangkatau malaingkan subay siya namamakay sin Nipak (pagkamunapik), Subunnal tuud in Agama niya amuin yaun ha pangatayan niya Agama mangi' (batal) mangdahi kaniya pa magputing iban katitipuhan iban pangdupang ha manusiya' iban anganangan mangi' kanila, di' siya sumuuk kanila bang way puhungun iban way kangian kagausan niya hinangun bang bukun hinangun niya kanila, in siya kabubungsihan misan pa in tau way panghati in siya Rafidah tumampal ha pamayhuan niya labi-awla na in Nipak iban ha himumungan niya. 103

Sabunnal tuud in sila tiyatawu' nila in ngi' iban dugal nila katu', liya'nat sila sin Allahu Ta'ala iban piyalayu' sila dayng ha rahmat niya, mayta' taykuran

<sup>&</sup>lt;sup>103</sup> - Minhajus Sunnah An-Nabawiyyah kan Ibn Taymiyyah (3/360)

nila in kasabunnalan puas sin panghati nila, misan pa bihadtu kabakan ta pa ha kaibanan Ahlus Sunnah nagsusumadja iban sila, iban mangandul pa kanila. Na' in katantan yan sabab sin pagpasad iban panaykuri dayng ha Agama sin Allahu Ta'ala iban sin humati sin manga kahukum-hukuman Niya amuin nangdaraaki ha Muslim mamawgbug sin Aqeeda pagkasi iban lasa ha tiyap-tiyap Muslim nananawheed pa Tuhan Rabbul A-lameen iban mamutawani lumayu' dayng ha tiyap-tiyap kapir atawa mushrik.

Dayng ha damikkiyan yan kiyahatihan taniyu na bang unu in kawajiban katu' taniyu bilang manga Muslimeen, Na' awn baha' manayma-i?

Pangayuun ta pa Allahu Ta'ala in papalanyutun niya in Agama niya (Agama Islam), iban angkatun niya in kalima niya, iban ha bang mayan hidus-dus Niya ra in Rafidah iban hisiyu-siyu na in miyamagad kanila, iban hinangun sila bihag-daraugan ha manga Muslimeen.

Salawat iban salam ha panghu' natu' Rasulullah Muhammad (ﷺ) iban ha manga ahli niya iban ha manga sahabat niya.

Wassalamu Alaykum warahmatullahi wa barakatuhu

#### Siyulat sin:

Nagmumuhut muhut sin kaampunan sin Tuhan niya:

#### Abdullah Ibn Muhammad As-Salafi

Iyampun siya sin Allahu Ta'ala iban sin duwa maas niya lapay na in katan Muslimeen.

#### MANGA KITAB PIYAGKAWAAN SIN PANGADJIAN

Nasihat namu' bassahun niyu in kakitab-kitaban ini hasupaya awn hikajawab niyu ha manga Rafidah

```
١- فتاوى شيخ الإسلام ابن تيمية
```

٢- منهاج السنة لشيخ الإسلام ابن تيمية

٣- الملل والنحل للشهرستاني

٤- الفرق بين الفرق للبغدادي

٥- مقالات الإسلاميين للأشعرى

٦- جميع مؤلفات الشيخ إحسان إلهي ظهير

٧- مسالة التقريب للشيخ د. ناصر القفاري

٨- جميع مؤلفات الشيخ محمد مال الله

٩- بذل المجهود في مشابهة الرافضة لليهود لعبد الله الجميلي

١٠ حتى لا ننخدع لعبد الله الموصلي

١١- الشيعة الإثنا عشرية وتكفيرهم لعموم المسلمين لعبد الله السلفي

17 - من قتل الحسين لعبد الله بن عبد العزيز

١٣ - البرهان في تبرئة أبي هريرة من البهتان لعبد الله الناصر

الانتصار للصحب والآل للدكتور إبراهيم الرحيلي

- ١٥ كشف الجاني محمد التيجاني للشيخ عثمان الخميس

بل ضللت في رد أباطيل التيجاني للشيخ خالد العسقلاني

١٧- مع الإثنى عشرية في الأصول والفروع للدكتور على السالوس

١٨- تبديد الظلام وتنبيه النيام على خطر التشيع على المسلمين والإسلام للـشيخ

سليمان الجبهان

#### IMPORTANT WEBSITE IN INTERNET

Nasihat namu' in umukab kamu sin manga Website ini hasupaya niyu kajawaban in Rafidah (Ithna Ashariyyah )

- 1- www.dd-sunnah.net
- 2- www.fnoor.com
- 3- www.albrhan.com
- 4- www.wylsh.com
- 5- www.khomainy.com
- 6- http://dhr12.com
- 7- www.albainah.net
- 8- www.ansar.org
- 9- www.almanhaj.com
- 10-www.isl.org.uk
- 11-www.almhdi.com